

ՀԱՄԱ-Հ.Մ.Ը.Մ.ԱԿԱՆ ՑՐԴ ԲԱՆԱԿՈՒՄԸ ԱՅՍ ԱՄԱՌ՝ ԲԻՒՐԱԿԱՆԻ ՄԷՉ

«Մարդիկ»-ի այս թիւը երբ ընթերցողներուն հասնի, համա-Հ.Մ.Ը.Մ.ական Ցրդ բանակումին բացման ազդանշանը մօտեցած կ'ըլլայ: Բանակումը տեղի պիտի ունենայ 31 Յուլիս-9 Օգոստոս 2006ին, Բիւրականի մէջ, Հայաստան, մասնակցութեամբ՝ միութեան 16 շրջաններէն 725 սկաուտներու: Հիւրաբար պիտի մասնակցին նաեւ Իրանի Հայ Մշակութային «Արարատ» Կազմակերպութենէն եւ Հայ Մշակութային «Սիփան» Միութենէն սկաուտական պատուիրակութիւններ:

Բանակումին նշանաբան ճշդուած է «Միշտ պատրաստ՝ հայրենիքի համար» կարգախօսը: Յայտագիրները պիտի ընդգրկեն Հայաստանի պատմական եւ տեսարժան վայրեր այցելութիւններ (Գառնի, Գեղարդ, Խոր Վիրապ, էջմիածին, Օշական, Ծիծեռնակաբերդ, Եռաբլուր, Սարդարապատ, Սեւանայ լիճ եւ այլն), նաեւ հանրային ծառայութեան ձեռնարկներ՝ Գիւմրիի եւ Վանաձորի մէջ:

Հ.Մ.Ը.Մ.ի կանոնադրով, համա-Հ.Մ.Ը.Մ.ական բանակումներուն նպատակն է՝

- «1) Ի մի հաւաքել Հ.Մ.Ը.Մ.ի գանազան շրջաններու արիները, արեւոյշները, երէցներն ու պարմանուհիները:
- «2) Տալ ազգային ու միութենական դաստիարակութիւն եւ առիթ ստեղծել փոխադարձ ծանօթացման:
- «3) Սատարել Հ.Մ.Ը.Մ.ի սկաուտութեան միջազգային ծանօթացման»:

Բանակումին մասնակից շրջաններուն պատկերը կը ներկայացնէ հետեւեալը.- Հ.Մ.Ը.Մ.-Հ.Ա.Ս.Կ. (Հայաստան), Հ.Մ.Ը.Մ.-Ֆրանս, Լոնտոն, Յունաստան, Արեւմտեան Մ. Նահանգներ, Արեւելեան Մ. Նահանգներ, Գանատա, Հարաւային Ամերիկա, Աւստրալիա, Լիբանան, Սուրիա, Ամման, Երուսաղէմ, Քուէյթ, Պաղտատ եւ Վիեննա: Վերջին երկու շրջանները առաջին անգամ ըլլալով իրենց մասնակցութիւնը կը բերեն համա-Հ.Մ.Ը.Մ.ական բանակումի մը:

Բանակումին ընդհանուր խմբապետն է Լոնտոնէն եղբ. Ալէք Սաչատրեան: Փոխ խմբապետ եւ փոխ խմբապետուհի ճշդուած են Հայաստանէն եղբ. Հրաչ Շմաւոնեան եւ Լիբանանէն քոյր Լուսին Գազգեան: Բանակումին գործադիր մարմինին մաս կը կազմեն եւ հերթապահութեան զանազան պաշտօններ ստանձնած են քոյրեր Իրմա Ճէրէճեան (Լիբա-

նան), Ռուզան Թամրազեան (Հայաստան), եղբայրներ Օշին Փիրումեան, Գօգօ Մկրեան (Արեւմտեան Մ. Նահանգներ), Մանուկ Քէօզկէրեան (Սուրիա), Տիրան Շահինեան (Գանատա) եւ Յարութ Նասոյեան (Հայաստան):

1974էն՝ Հ.Մ.Ը.Մ.ի համագաղութային կառոյցին ստեղծումէն ի վեր տեղի ունեցած են Համա-Հ.Մ.Ը.Մ.ական 7 բանակումներ՝ հետեւեալ կարգով.-

- Համա-Հ.Մ.Ը.Մ.ական Ա. Բանակում- 1-13 Օգոստոս 1978, Քալամոս (Յունաստան), մասնակցութեամբ՝ միութեան 12 շրջանէ 226 արի-արեւոյշներու: Ընդհանուր խմբապետ եղբ. Վարուժան Սերոբեան:

- Համա-Հ.Մ.Ը.Մ.ական Բ. Բանակում- 14-26 Օգոստոս 1980, Քլամար (Ֆրանսա), մասնակցութեամբ՝ 12 շրջանէ 291 արի-արեւոյշներու: Ընդհանուր խմբապետ եղբ. Սուրէն Մուրատեան:

- Համա-Հ.Մ.Ը.Մ.ական Գ. Բանակում- 10-20 Օգոստոս 1986, Չալֆոնթ Հայթց (Անգլիա), մասնակցութեամբ՝ 11 շրջանէ 269 արի-արեւոյշներու: Ընդհանուր խմբապետ եղբ. Արթուր Աղամալեան:

- Համա-Հ.Մ.Ը.Մ.ական Դ. Բանակում- 21-31 Օգոստոս 1990, Այա Մարինա (Յունաստան), մասնակցութեամբ՝ 14 շրջանէ 484 արի-արեւոյշներու: Ընդհանուր խմբապետ եղբ. Ժիրայր Սարգիսեան:

- Համա-Հ.Մ.Ը.Մ.ական Ե. Բանակում- 27 Յուլիս-7 Օգոստոս 1994, Բիւրական (Հայաստան), մասնակցութեամբ՝ 14 շրջանէ 434 արի-արեւոյշներու: Ընդհանուր խմբապետ եղբ. Կարպիս Գապասազալեան:

- Համա-Հ.Մ.Ը.Մ.ական Զ. Բանակում- 12-21 Յուլիս 1998, Աղաւնաձոր (Հայաստան), մասնակցութեամբ՝ 19 շրջանէ 715 արի-արեւոյշներու (24ը հիւրաբար՝ Իրանի Հայ Մշակութային «Արարատ» Կազմակերպութենէն եւ Հայ Մշակութային «Սիփան» միութենէն): Ընդհանուր խմբապետ եղբ. Մանուկ Քէօզկէրեան:

- Համա-Հ.Մ.Ը.Մ.ական Է. Բանակում- 27 Յուլիս-4 Օգոստոս 2002, Բիւրական (Հայաստան), մասնակցութեամբ՝ 17 շրջանէ 510 արի-արեւոյշներու (31ը հիւրաբար՝ Իրանի Հայ Մշակութային «Արարատ» Կազմակերպութենէն եւ Հայ Մշակութային «Սիփան» միութենէն): Ընդհանուր խմբապետ եղբ. Բաֆֆի Կէօօղլանեան:





ԹԻՒՆԻՆ ՆԻՒՆԵՐՈՒ

MARZIG SPORTS MAGAZIN EDITED MONTHLY BY HOMENETMEN
 مارزیک مجله ریاضیه شهریه تصدیرها جمعیه المومتمن الریاضی



3

Հ.Մ.Ը.Մ. ԱԿԱՆ ԿԵԱՆՔ

- Խմբագրական 2
- Ակնարկ 3
- Յուշեր 4
- Դաստիարակչական 9
- Պատմութեան Համար 10
- Փաստաթուղթ 15
- Անդրադարձ 17
- Մասնանիղէ Մասնանիղ 20
- Մեր Կորուստները 35



20



32

ԲԱԺԻՆՆԵՐ

- Մարզական Գիտութիւն 18
- Մանկապատանեկան 38
- Տարբեր Հայեացքով 40

Մարզական ամսաթերթ
 Հրատարակութիւն՝ Հ.Մ.Ը.Մ.ի
 ԿԵԳՐՈՆԱԿԱՆ ՎԱՐՉՈՒԹԵԱՆ
 ԻՇ. ՏԱՐԻ, 2006, ԹԻԻ 1-2 (283-284)

ԽՄԲԱԳԻՐ
 Վիգէն Աւագեան

ԽՄԲԱԳՐՈՒԹԵԱՆ ԱՆԳԱՄ
 Սեդա Պէշեան

«ՄԱՐԶԻԿ»Ի ՅԱՆՁՆԱԽՈՒՄԲ
 Աբո Մոսիկեան
 Գօգօ Մկրտիչեան

ԳՐՈՒԹԻՒՆՆԵՐ ՈՒՆԻՆ
 Պետրոս Շենմեկեան, Տրքթ. Միսաք
 Արզումանեան, Միհրան Շիւշիրեան,
 Կարապետ Կէմճեան, Ս. Ա.,
 Սարքի Լատոյեան եւ
 շրջաններու թղթակիցներ:

Էջադրում - Չարեհ Չօրեքճեան
 Գրաշարութիւն - Վերա Բարսեղեան
 Colour Separation - Photogravure Paklayan
 Կողքի Ձեւաւորում Տպագրութիւն



ԽՄԲԱԳՐՈՒԹԵԱՆ ՀԱՍՅՔ
 Պորձ Համուտ, Ճինիշեանի Թաղ
 «Սեւեան» Շէնք, Գ. Յարկ
 Հեռ: 01/248043, Fax: 01/260117
 E-mail: marzig@homenetmencentral.com
 P.O. Box: 80486 B. Hammoud, Lebanon

ՅՐԻՈՒՄ

Լիբանանի մէջ թերթին
 հատավաճառի սակն է 3000 լ.ն.:
 Տարեկան բաժանորդագրութեան
 սակ ճշդուած է 35000 լ.ն.:
 Լիբանանէն դուրս թերթին
 բաժանորդագրութիւնը
 կը կատարեն Հ.Մ.Ը.Մ.ի Մեկուսի
 եւ Շրջանային Վարչութիւնները:
 Թերթը ուղղակի Լիբանանէն
 կը ստացուի անձնական
 բաժանորդագրութեամբ
 (Տարեկան սակ՝ Միջին Արեւելեան
 եւ Եւրոպական երկիրներ \$50,
 Ամերիկա եւ Աւստրալիա՝ \$55):



ՀԱՅԱՍՏԱՆԻ ԱՆՍՏՐԱԿԱՆ ԿՆՆՆԱԿԱՆ ԴՐՈՒՄՆԵՐԻ ԿՆՏՐՈՒԹՅՈՒՆ

ԸՆԴՀԱՆՈՒՐ ՄԻՈՒԹԻՒՆԸ

(ՀԱՄԱ-Հ.Մ.Ը.Մ.ԱԿԱՆ ՏՐՊ ԲԱՆԱԿՈՒՄԻՆ ԸՆԴԱՌԱՋ)

Շուտով, Բիրականի մէջ տեղի կ'ունենայ համա-Հ.Մ.-Ը.Մ.ական ծրագրի բանակումը, մասնակցութեամբ՝ 725 քսակառուներու: Իսկական տօնահանդէս մը Հ.Մ.Ը.Մ.ին համար, որուն պատմութիւնը պիտի հարստանայ յաղթանակի նոր դափնիով:

Երեւոյթը խօսուն է եւ փաստը կու տայ այն իրողութեան, որ հակառակ իր շուրջի գրաւիչ ու ալյասերիչ պայմաններուն, ինչպէս երէկ, այսօր եւս Հ.Մ.Ը.Մ.ը կը մնայ սիրելի, հարապատ եւ ոգեշնչող միութիւն մը բոլոր անոնց համար, որոնք աշխարհի չորս ծագերուն կ'ապրին հայկեցի արժէքներու նախանձախնդրութեամբ եւ հայ ոգիի պաշտամունքով: Հ.Մ.Ը.Մ. կը շարունակէ գրաւել հայ մարդոց սրտերուն ջերմ անկիւնը: Իր վրայ կը գուրգուրան այլևոր ծերունիէն մինչեւ նորահաս մանուկը, որովհետեւ անոնցմէ իւրաքանչիւրը Հ.Մ.Ը.Մ.ի դրօշին հպարտանքով կը շտկէ իր մէջքը եւ անոր գաղափարին լոյսով կը պայծառացնէ աչքերը:

Իսկ ո՞ւր փնտռել գաղտնիքը այս երեւոյթին:

Արդեօ՞ք որովհետեւ Հ.Մ.Ը.Մ.ը մեզի տուած է սկառուութիւն, կարգապահութիւն, մարզիկներ եւ մարզական ոգի:

Շատ հաւանաբար, այո: Սակայն, այս բոլորէն վեր ան տուած է նաեւ հաւաքական ապրում մը, զոր կարելի չէ թիւերու եւ վիճակագրութիւններու լեզուով հաշուել: Գաղտնիքը հոն է, որ ան իրական Ընդհանուր Միութիւն է: Հ.Մ.Ը.Մ.ի մէջ հոգեհարապատ քոյր-եղբայր կը դառնան մեր ժողովուրդի բոլոր պաւակները, անխտի՛ր: Ուսանողին հետ վարչական կ'ըլլայ գործաւորը: Առաքելականին խմբակից կը դառնայ կաթողիկէն, աւետարանականը: Մարաշցիին հետ կը գործէ այնթապցին, սասունցին: Կողք-կողքի բանակում կ'ընեն լիբանանահայն ու

արժանթինահայը, պուլկարահայն ու աւստրալահայը: Այսպէս, բոլորը ձեռք-ձեռքի տուած կը հետապնդեն բարձրանալու եւ բարձրացնելու նոյն սրբազան ուխտը: Անոնք իրենց մկաններուն եւ ջիղերուն հետ կը պրկեն իրենց հոգիները, յոյսի, հաւատքի եւ խանդավառութեան ալիքներ կը տարածեն իրենց շուրջը, եւ ինքնավստահութեան ու հպարտութեան մշտանորոգ աւիշով կը զօրացնեն աշխարհասփիռ մեր բազմութիւնները:

Շուտով ապրանշանը կը տրուի համա-Հ.Մ.Ը.Մ.ական ծրագրի ընդհանուր բանակումին եւ մարդիկ անգամ մը եւս մտածելու առիթը կ'ունենան, թէ որքա՞ն մեծ բաց մը պիտի ըլլար մեր կեանքին մէջ, եթէ չըլլար այս բոլորը համախմբող Ընդհանուր Միութիւնը:

Մարդիկ անգամ մը եւս կը մտածեն ու կ'անդրադառնան, թէ որքա՞ն մեծ է այն գործը, զոր Ընդհանուր Միութեան «կամաւոր բանակ»ը կը տանի աշխարհի չորս ծագերուն: Ու գործին հետ մէկտեղ, որքա՞ն մեծ են անոր դէմ ցցուած դժուարութիւնները: Նորահաս սերունդը ապգային ոգիով, առողջ գիտակցութեամբ եւ առողջ մարմնով կրթելու համար տակաւին հսկայ աշխատանք կայ կատարելիք: Երիտասարդութիւնը, որ ամէն բանէ առաջ հաւատք ու խանդավառութիւն է, կանգ առնել չի գիտեր յաղթանակի իր դափնիներուն վրայ:

Միշտ հարկաւոր են նոր դափնիներ եւ համա-Հ.Մ.Ը.Մ.ական ձեռնարկները, բանակումներ թէ մարզախաղեր, լուսագոյն առիթները կ'ընծայեն, որպէսզի նոր կեանք, եռանդ, ժպիտ եւ յոյս կայծկրուի մեր դաշտերուն եւ բանակավայրերուն մէջ, եւ Հայ Մարմնակրթական Ընդհանուր Միութեան դրօշին տակ, մեր տղաքն ու աղջիկները մեծնան, շնչելով մթնոլորտը ապգային եւ գաղափարական պայծա՛ռ իտէայններու:

ԱՐԺԱՆԱԽՈՐԻՆ ԱՐԺԱՆԻ ԳՆԱՀԱՏԱՆՔ

Պետրոս Շեմսեւեան ՊԼՅՐՈՒԹ

Վերջերս, Հ.Մ.Ը.Մ.ի Լիբանանի հեծելարչաւի յանձնախումբը, հովանաւորութեամբ Շրջանային Վարչութեան, գեղեցիկ գաղափարը ունեցաւ ձեռնարկով մը գնահատելու, եւ հոգ չէ թէ տարիներ վերջ վերարժեւորելու, Հ.Մ.Ը.Մ.ի Լիբանանի հեծելարչաւի անցեալի փառքը կերտած վեթերան հեծելանւորդները եղբայրներ Ազատ Գալաթեան, Յովհաննէս Ծատուրեան, Սարգիս Հաճինազարեան, Ժիրայր Խաչատուրեան, Վարդէս Ծատուրեան, Օննիկ Պարքճեան, Ժան Նալչայեան, Ժողէֆ Յովհաննէսեան, Գօգօ Աբրահամեան, Ներսէս Հատիտեան, Յովհաննէս Վարժապետեան եւ քոյր Վերա Գրատոքեան:

Իսկապէս յուզիչ եւ տպաւորիչ էր պատուոյ հարթակին վրայ տեսնել անցեալի վաստակաւոր եղբայրներ: Ոմանք իրենց կեանքին վերջալոյսին մօտեցած, ծերունագարդ ու դողդոջ ձեռքերով կը ստանձնեն իրենց յուշանուէրները, իբրեւ Հ.Մ.Ը.Մ.ի անցեալի փառքը կերտած կենդանի պատգամախօսներ:

Հ.Մ.Ը.Մ.ական վերոյիշեալ մարզիկները իրենց երիտասարդութեան համակ ջիղ ու եռանդ էին, գօտեպնդուած Հ.Մ.Ը.Մ.ական վճռակամութեամբ: Լիբանանի սահմանները կը նուաճէին իբրեւ արագավազ եղնիկներ, եւ բարձրաբերձ լեռները կը մագլցէին իբրեւ բարձրասլաց արծիւներ: Անոնց հետ կը թեւածէր Հ.Մ.Ը.Մ.ի փառքն ու դրօշը:

Գնահատանքի նման ձեռնարկներ միշտ եղած են ու կ'ըլլան Հ.Մ.Ը.Մ.ի մեծ ընտանիքէն ներս: Այսպիսի ձեռնարկներ մէկական դաստիարակչական պատգամներ կը փոխանցեն: Պատգամ, թէ Հ.Մ.Ը.Մ.ը չի մոռնար իր անցեալի փառքը կերտած վաստակաշատ միութենականներն ու մարզիկները: Պատգամ Հ.Մ.Ը.Մ.ի նոր սերունդին, թէ տեսէ՛ք Հ.Մ.Ը.Մ.ը որքան հարուստ է անցեալի իր հերոսներուն աւանդով եւ

փառքով, եւ թէ՛ նոր սերունդը իր կարգին պարտի բան մը աւելցնել անցեալի այդ փառքին ու աւանդին վրայ: Ինքն իր լուծման պարտի նետել Հ.Մ.Ը.Մ.ի պատմութեան գանձանակին մէջ:

Պատգամ, հոգեկան գոհացումով ըստ արժանւոյն գնահատուելու: Արդարեւ, Հ.Մ.Ը.Մ.ականները, անոնք ըլլան վարչական պատասխանատուներ թէ մարզիկներ, Հ.Մ.Ը.Մ. մուտք կը գործեն տալու, անսակարկ նուիրելու վճռակամութեամբ, փոխարէնը անոնք կը ստանան ոչ թէ նիւթական կամ փառքի վարձատրութիւն, այլ՝ բարոյական վարձատրութիւն եւ ամէնէն կարեւորը՝ հոգեկան ինքնագոհութիւն:

Նմանօրինակ մեծարանքներով Հ.Մ.Ը.Մ.ը կարծէք թանկարժէք ու փոշեթաթախ առարկաներ է որ կը սրբէ, կը փայլեցնէ եւ իրենց արժանի բարձրութեան պատուանդանին վրայ կը դնէ, իբրեւ անցեալին եկող ու ապագային գացող մշտագոռ պատգամներ:

Այո, շատ են մեր մէջ նման թանկարժէք իրերը՝ վաստակաշատ Հ.Մ.Ը.Մ.ականները, սակայն երբ գանոնք չենք մեծարել, չենք ներկայացներ նոր սերունդին, անոնք պիտի մնան շուքի մէջ, մոռացութեան ենթակայ:

Անոնք դեռ քանի մը տարի եւս պիտի ապրին մեր իրականութեան մէջ, իբրեւ մեծ անձանցներ, սոսկական տարիքաւորներ, ու Հ.Մ.Ը.Մ.ի բազմամարդ ձեռնարկներուն պիտի մնան մէկը հազարաւոր ներկաներէն, անձանցով ու անդիմազիծ:

Մեծարանքի հանդիսութիւնները կ'օգնեն նոր սերունդին ճանչնալու, թէ իր կողքին կանգնած այդ ծերունին ուրիշ մէկը չէ, այլ՝ իրեն պէս երիտասարդ կամ պատանի տարիքէն Հ.Մ.Ը.Մ.ի շարքերը մտած մէկը, որ իր բաժինը տուած է միութեան:

Պէտք է շարունակել եւ ընդհանրացնել արժանաւորին արժանի գնահատանք տալու Հ.Մ.Ը.Մ.ական գեղեցիկ աւանդութիւնը: Սակայն, միշտ զգո՛յ՛: Պէտք է ընտրել արժանաւոր ընթացիկ միութենականէն, որ միութեան շարքերէն անցած է ասուպի մը նման, առանց հետք ձգելու միութեան մէջ:



Գնահատագիրներու արժանացած եղբայրներ Հ.Մ.Ը.Մ.ի Լիբանանի Շրջանային Վարչութեան անդամներուն եւ հեծելարչաւի Լիբանանի ֆետերասիոնի նախագահ եղբ. Վաչէ Ծատուրեանի հետ:

ՊՈՒՐՃ ՀԱՄՈՒՏԵԱՆ ՅՈՒՇԵՐ

(Ա մաս)

Տոքթ. Միսաք Արզումանեան
ՄԱՆ ԽՈՍԷ

ԵՐԲ, ՈՒՐ ԵՒ ԻՆՉՊԵՍ Հ.Մ.Ը.Մ.ԱԿԱՆ ԵՂԱՅ

Միութենական կեանքիս շուրջ կէս դարու ժամանակաշրջանին, վերոգրեալ հարցումները մէկ անգամ տրուեցան ինծի:

Հ.Մ.Ը.Մ.ի Պատգամաւորական Ընդհանուր Ժողովէ մը ետք, մեզ Լիբանան վերադարձնող օդանաւին մէջ, կողքիս տեղ գրաւած, Հ.Մ.Ը.Մ.ի Պէշրութի վաստակաւոր եղբայրներէն՝ տեղական, Շրջանային եւ Կեդրոնական Վարչութիւններու մաս կազմած՝ հանգուցեալ եղբ. Վարուժան Մուրատեանն էր:

Չեմ գիտեր ինչո՞ւ այդ օրը, այդ ժամուն, օգաթուիչ այդ բարձրութեան վրայ, աննախադէպ ու անակնկալ այդ հարցումները: Կը յիշեմ, սակայն, որ հաճոյքով դիտեցի պատասխանս սպասող եղբոր հարցական արտայայտութիւնը, եւ մեծ գոհունակութեամբ ալ պատասխանեցի, եռեակ բնոյթով ներկայացուած հետաքրքրութեան:

Այսօր, այս յուշագրութեամբ կ'անդրադառնամ այդ պատահարին, մտածելով որ Հ.Մ.Ը.Մ.ի կառույցին զանազան մակարդակներուն վրայ ծառայութեանս ծանօթ կամ ինծի գործակից եղած բազմահարիւր եղբայրներէն ոմանք, թերեւս շատերը, եղբ. Վարուժանին օրինակով կրնան նոյն հարցականները ապրած ըլլալ, առանց սակայն զիս հարցապնդելու պատեհ առիթը ունենալու:

Իսկոյն յայտնեմ, որ ստորեւ գրուած տողերը ինքնապանծման ոչ մէկ միտում ունին: Գրի առած եմ զանոնք բանալու համար էջ մը կեանքէս, ուր արձանագրուած է, թէ ի՞նչպէս ոչ-ուղղափառ ճամբով մը տրուած է ինծի միութենական պատկանելիութիւնս, որ երկար տարիներ իմաստաւորեց կեանքս, եւ որուն հպարտութիւնը կը վայելեմ մինչ օրս:

Գաղտնիք չէ, որ հայորդի մը Հ.Մ.Ը.Մ.ական կը դառնայ

Այս թիւէն սկսեալ կը ներկայացնենք Հ.Մ.Ը.Մ.ի Կեդրոնական Վարչութեան նախկին արեւնապետ (1987-1999), բազմավաստակ Հ.Մ.Ը.Մ.ական եղբ. տոքթ. Միսաք Արզումանեանի յուշերուն երկրորդ բաժինը, որ նուիրուած է միութենական իր կեանքի առաջին քայլերուն, Հ.Մ.Ը.Մ.ի անդամակցութենէն մինչեւ Մերչանթ Արեւելքի Շրջանային Վարչութեան անդամակցութիւն:

Յուշերուն առաջին բաժինը «Հ.Մ.Ը.Մ.ի Լիբանանի ֆուրպոլի խումբին մասնակցութիւնը Ասիոյ 1970ի ախոյեան խումբերու ախոյեանութեան», չորս բաժինով հրատարակած էինք «Մարզիկ»ի անցեալ տարուան թիւերով (274, 275, 277, 278):



1958-1962, յորդանանեան բանակէն բժիշկներու խումբ մը: Նստած, ձախէն առաջինը՝ եղբ. տոքթ. Միսաք Արզումանեան, երրորդը՝ բանակի կեդրոնական հիւանդանոցի բժշկապետ, հետագային առողջապահութեան նախարար, ապա վարչապետ՝ Ապտէլ Սալամ Մաժալի:

Իր ծնողներուն հաւանութեամբ, օգնութեամբ կամ քաջալերանքով:

Միութեան մարզական կամ սկստական բնագաւառներէն մէկուն մէջ ընդունուելու գրաւոր դիմում կատարելով եւ վարչութեան «օրհնութեամբ» միանալով անոր: Իմ պարագայիս հարցը տարբեր հունով ընթացաւ:

Յեղասպանութենէն որբացած, մահազարհուր ճամբաներէ անցած, Անթիլիասի որբանոցին մէջ պատասպարուած, ու հոն ալ «Ազատ, Անկախ, Միացեալ» Հայաստանի գաղափարով սնած հօրս շունչին տակ, եռագոյնադաւան միջնորդարի մը մէջ, Հ.Մ.Ը.Մ.ը ըստ էութեան մեր տան մէջ էր, ու ես ինքզինքս կը գգայի Հ.Մ.Ը.Մ.ական:

Այսուհանդերձ, կ'երեւի գրուած էր, որ շարքերէն դուրս՝ դիտողի կարգավիճակս կարճ պիտի տեւէր, ու ես անակնկալ իրադարձութեամբ մը պիտի արժանանայի Հ.Մ.Ը.Մ.ի վաւեր-

րական մկրտութեան: Եւ այդ, այն օրերուն, երբ Լիբանանի ազգային կեանքին մէջ, Հ.Մ.Ը.Մ-ով ստեղծուած էր վերափոխիչ ապրումներու չափազանց ոգեւառ ու առինքնող մթնոլորտ:

Աւելցնեմ, որ ներգաղթի այեկոծ ու խռովայոյզ օրերն էին, երբ հայու հայրենասիրութիւնը, զազափարական պատկանելիութիւնը հաւատաքննութեան կ'ենթարկուէին, անհաւատ վարդապետութեան մը նորատեսակ «քուրմերուն» եւ նորելուկ տեսաբանութեան մը, նորիմաստ Հայաստանասիրութեան մը ծառայող ազանդաւորներու կողմէ:

Տակաւին, այն ժամանակներն էին, երբ երջանկայիշատակ Զարեհ Վեհափառին վկայագրութեամբ՝ «Հայ երիտասարդներ այնքան սիրած են Հ.Մ.Ը.Մ-ը, որ անոր նշանակը անջրնջելի կերպով գծել տուած են իրենց մորթին վրայ»: Այն օրերուն, Հ.Մ.Ը.Մ-ը իրաւ հայրենասիրութիւն ուխտագրող երդումով, իր անկրկնելի «Բարձրացի՛ր-բարձրացուր» նշանաբանով, եռախորհուրդ դրօշով, կը յաջողէր աննախնայ գործունէութիւն ծաւալել, ու մանաւանդ սրտաշարժ սողանցքներով, անցելայուշ սօնակատարութիւններով (Ապրիլեան թէ՛ Մայիսեան) շրջուցիչ փայլ տալ իր հմայքին, եւ իրեն քաշել ինծի պէս բազմահարիւր հայորդիներ:

ՕՏԱՐԱՆՈՒՆ, ԲԱՅՑ ԳԱՂԱՓԱՐԱԿԱՆ ՀԱՅԱՎՐՈՇՄ ՄԿՐՏԱՐԱՆ

Յուշագրութեանս վերնագրին «Ե՛րբ»ը եւ «Ո՛ր»ը բացայտելէ ետք, կը մնայ ներկայացնել մկրտավայրս:

Հօրս գործին պարտադրած՝ քաղաքէ-քաղաք տեղափոխութիւններուն բերումով, մանկութիւնս անցաւ Պէքայի դաշտի Ռայաք, Պաալպէք, Ապլահ բնակավայրերուն մէջ: Աշակերտեցի այդ շրջանին հոն գործող ազգային դպրոց անունով երկու վարժատուններուն: Աւարտելով գանոնք, ծնողքիս որոշումով, 11 տարեկանիս փոխադրուեցայ Պուրճ Համուտ, ուր օթեան ունեցայ ազգականներու մօտ, եւ կարողացայ յաճախել Պէյրութի վաւերական կրթօճախներէն՝ Սուրբ Գրիգոր Լուսաւորիչ՝ Յիսուսեան միաբանութեան ճեմարանը:

Շատ չանցած, համաշխարհային Բ. պատերազմի օրերուն, հակադիր ճակատներու վրայ գտնուող Փրանսական եւ անգլիական բանակներուն Պէքա հասնիլը պատճառ կ'ըլլայ, որ ծնողքս ալ ընտանիքով կը փոխադրուի Պուրճ Համուտ ու



Պուրճ Համուտի վաստակաւոր եղբայրներու խմբանկար մը Մորճ Մարտիկեանի եւ Լիբանանի սկաուտական ֆետերասիոնի օրուան ներկայացուցիչի՞ն հետ:

Ոտքի, աջէն երրորդը՝ տոքթ. Միսաք Արզումանեան: Զախի՞ն՝ եղբ. Զաքար Զորպանեան:

պիտոններ, այեծածան եռագոյններով առաջնորդուող պանծալի շքերթներ, ջահագնացութիւններ: Այստեղ է ահա, որ քանի մը տարի անց, կանոնագրային հասկացողութեամբ քիչ մը զարտուղի, բայց ապահով արահետով մը միացայ Պուրճ Համուտի Հ.Մ.Ը.Մ-ին:

Կիրակի օր մըն էր, Պուրճ Համուտի մեր տան մէջ, յաջորդ օրուան դասերս կը պատրաստէի, երբ թակուեցաւ դուռը, ու բանալով գայն, դէմս գտայ իր ծառայասիրութեամբ եւ համեստութեամբ Պուրճ Համուտի մէջ հանրածանօթ դէմք դարձած եղբ. Յակոբ Մինասեանը:

Փոխադարձ բարեկէ մը ետք, երբ հետաքրքիր էի գիտնալու իր այցելութեան դրդապատճառը, զինք ներս հրաւիրելու քաղաքավարական պարտականութիւնս չկատարած տակաւին, կանխեց ամէն բան, յայտնելով որ պիտի չնստի, կ'աճապարէ, պէտք է շուտով եկեղեցի հասնի: Եւ տեղեկացուց, որ եղբ. Արշակունի Ռաֆայէլեանը բարեւ ունի, եւ կ'ուզէ քեզ Հ.Մ.Ը.Մ-ի շարքերուն մէջ տեսնել: Ատոր համար ալ դիմումնագիր-երկտող մը պէտք է գրես, ուղղուած՝ Պուրճ Համուտի մասնաճիւղի վարչութեան... եւ գաղտնիք մը բացայայտողի հազիւ լսելի ձայներանգով հաղորդեց, որ մասնաճիւղը Սկաուտական որհուրդի ատենադպիրի պէտք ունի... եւ պատուիրելով որ ներկայացուած առաջարկը չըլլայ որ մերժեմ, «մնաս բարով»ով մը մեկնեցաւ:

Գիտէի որ եղբ. Արշակունին վարչութեան մնայուն ատենապետն է եւ եղբ. Յակոբը անոր մնայուն գործակիցներէն:

Կարդացած էի, որ մասնաճիւղը առաջինին տան մէջ հիմնուած է եւ երկրորդը՝ անոր հիմնադիր անդամներէն է: Ծանօթ էր ինծի, որ երկուքն ալ շրջանին մէջ տարիներու ազգանուէր գործերով վարկ չահած եղբայրներ են:

Վերջապէս այդ օր, առաջինը «կեդրոնի» կամքն ու աշխատանքները հունակորոզն էր եղած, երկրորդը այդ կամքը ճշդուած հասցէին փոխանցող հաւատարիմ պատգամաբերը:

Օրը իրիկուն չեղած, գրեցի եւ խնդրագիրը առաքեցի

ակումբ: Ու նոյնքան արագ վաւերացումէ ետք, հրաւիրուեցայ յաջորդ օրն իսկ ստանձնելու ինծի վերապահուած պարտականութիւնը:

Հաճելի անակնկալ եղաւ, անշուշտ, Տէրունական օրով ինծի հասած, ու հանրամեծար անձերու կողմէ առաքուած, պատանեկան ինքնասիրութիւնս փայփայող առաջարկը:

Հ.Մ.Ը.Մ.ի հանդէպ տածած անվերապահ սիրովս, ազգային կեանքին բանով մը օգտակար դառնալու մշտարժարծ ցանկութեան մղուած, դժուարութիւն չունեցայ ձեռք բերելու յանձնառութեանս մէջ յաջողելու հարկ եղած միութենական կենսափորձ ու կազմաւորում:

Շուտով ծանօթացայ ազգանուէր այդ ընծայարանին՝ Պուրճ Համուտադրոշմ գործեյաձեւին, իրենց քրտինքով ու վաստակով «ազատ հայրենիքի ճամբայ հարթող» Հ.Մ.Ը.Մ.աղաւան քուրմերու անձնդիր կենցաղակերպին:

Հասկցայ, թէ ինչո՞ւ Պուրճ Համուտը արժանացած է «հայրութեան սիրտը», «գաղթաշխարհի հայրութեան բազկերակը» կամ «Սփիւռքի միջնաբերդը» բանաձեւումներով տրուած եզակի բնութագրումներու:

Եւ ինչո՞ւ, այդ բոլորէն առինքնուած, տարաշխարհէն մեծանուն դէմքեր պատասխանատու ազգայիններ այցելած են այդ միջնաբերդը եւ յարգանօք ողջունած, իրենց կարգին, այնտեղ տիրող Պուրճ Համուտադրոշմ ոգին:

ՍԻՐԱՐԿԱԾՆԵՐ...

Դժբախտաբար, կենսախինդ ու ոգեչնչող մթնոլորտի մը մէջ անցած միութենական ժամանակաշրջանս տեւեց քանի մը տարի, ու ես երկրորդականի ուսանող՝ նկատեցի օր մը, որ առաջին սէրս, բորբոք ձգելով հանդերձ, կեանքի նաւակը տարած է գիս ու յանձնած նոր սէրերու գիրկը:

Մանկութենէս սիրած եմ հայ գրականութիւնը:

Երբեմն, դպրոցական հանդէսներուն բեմ հանուած եմ, իբրեւ արտասանական առողանութեամբ օժտուած տղայ:

Երբեմն-երբեմն ինքզինքս գտած Պուրճ Համուտի Հ.Մ.Ը.Մ.ի, ԼՕԽի, թաղային այլ մարմիններու կազմակերպած ազգային տօնակատարութիւններու, յրեկենական հանդիսութիւններու գեղարուեստական յայտագիրներուն վրայ: Ձեռնարկներ, որոնք տեղի կ'ունենային ընդհանրապէս այդ օրերու ազգային-մշակութային, քաղաքական կեանքին մէջ հանրահրշակ դէմքերու՝ Կարօ Սասունիի, Շաւարշ Մակարեանի, Լեւոն Շանթի ու Գասպար Իփէկեանի նախագահութեամբ:

(Շար. 1)

We Can Light Up A City

G. AYANIAN & SONS
Electricity
Pumps
Lighting
Air Conditioning
Video Phone

— G. AYANIAN & SONS —
BEIRUT

Dora: 01-255 222/3/4/5/6 Gemmayze: 01-447 000 - 447 940 Mobile: 03-627 728/9
Fax: 01-265 187 - 582 357 E-mail: gasons@dm.net.lb www.ayanian.com

«ՄԱՐԶԻԿ»Ի ԵՒ «Հ.Ա.Ս.Կ.»Ի ԿՆՔԱՀՕՐ ՅԻՇԱՏԱԿԻՆ

(ՎԿԱՅՈՒԹՈՒՆՆԵՐ՝ ԵՂԲ. ՅԱՐՈՒԹՅՈՒՆ ԳԵՂԱՐԴԻ ՅԻՇԱՏԱԿԻՆ)

Միհրան Շիմշիրեան ՊԷՅՐՈՒԹ

Դժուար է հաշտուել եղբ. Յարուժիկին Գեղարդի մահուան գաղափարին հետ: Ու ամէն անգամ որ վերջիչենք զինք, ան մեր յիշողութեան կը ներկայանայ իբրեւ Լիբանանի Շրջանային Սկսուտ-Խորհուրդի ատենապետ, որ 1960ականներու վերջերուն, բանակումի մը ընթացքին, կը խօսի սկսուտներուն եւ անոնց կը բացատրէ Հ.Մ.Լ.Մ.ի չորս տառերուն խորհուրդը եւ միութեան ազգանուէր դերը:

Այնուհետեւ, եղբ. Յարուժիկին Գեղարդը ճանչցած ենք իբրեւ մշակոյթի մարդ, մտաւորական, Հ.Մ.Լ.Մ.ի Կեդրոնական Վարչութեան անդամ եւ խանդավառ ջատագով մը «Մարզիկ» պաշտօնաթերթի: Գաղտնիք չէ, որ «Մարզիկ» պաշտօնաթեր-

թին անունը ինք յղացած է: Մանրամասնութիւնները օրին պատմած է:

Այն ինչ որ պատմած չէ, սակայն, այն է՝ թէ Հ.Մ.Լ.Մ.ի Հայաստանի կազմակերպութեան անունն ալ (Հ.Ա.Ս.Կ.) իր յղացումն է:

Պատմութեան համար պէտք է արձանագրել, որ 1991ի ամբար, Հ.Մ.Լ.Մ.ի օրուան Կեդրոնական Վարչութիւնը որոշեց Հ.Մ.Լ.Մ.ի Հայաստանի խմբապետներու դպրոց-բանակում մը կատարել: Գրեթէ նոյն օրերուն, պարզ գուգադիպութեամբ մը, Լիբանանի սկսուտական Ֆետերասիոնին մեր անդամակցութեան բերումով, Պէյրութի մէջ առիթը ունեցանք ծանօթանալու Համաշխարհային Սկսուտական Շարժումի ընդհանուր քարտուղար Ժագ Մորէնին, որ Լիբանան եկած էր ծանօթանալու սկսուտական տեղույն շարժումին: Մեր խօսակցութիւններուն ընթացքին Մորէնին յայտնեցինք, որ հայ ենք եւ Հայաստանի մէջ եւս սկսուտական շարժում գոյութիւն ունի: Սկսուտական մեր շարժումը՝ Հ.Մ.Լ.Մ.ը նիւթապէս եւ բարոյապէս կը զօրակցի Հայաստանի սկսուտութեան եւ արդէն խմբապետներու դպրոց-բանակում մըն ալ կազմակերպած է: Աւելին, իբրեւ ապացոյց մեր գործունէութեան լրջութեան, Մորէնը առաջնորդեցինք նոյն օրերուն բանակում կատարող Հ.Մ.Լ.Մ.ի Անթիլիասի մասնաճիւղին բանակավայրը: Օրին, Մորէն մեծապէս խանդավառուեցաւ իր լաճներէն ու տեսածներէն, որովհետեւ անոր գլխաւորած Համազգային Սկսուտական Շարժումը միջոցներ կը փնտռէր Հայաստան մուտք գործելու եւ հոն սկսուտական շարժում ստեղծելու համար:

Նոյն տարին, Հ.Մ.Լ.Մ.ի Ե. Պատգամաւորական Ժողովը Աթէնքի մէջ ընտրեց Կեդրոնական Վարչութիւն մը, որուն մաս կազմեց նաեւ եղբ. Յարուժիկին Գեղարդ: Կեդրոնական Վարչութիւնը իր առաջին նիստին որոշեց Փարիզ հաստատուած եղբ. Գեղարդը լիազօրել՝ Մորէնին հետ Հ.Մ.Լ.Մ.ի բանակցութիւնները կատարելու համար:

Հետեւաբար, 1991-1995, չորս տարի անընդհատ, եղբ. Գեղարդը նամակագրութեամբ եւ բանակցութիւններով մնայուն կապի մէջ եղաւ Մորէնին հետ: Գրեթէ գուգահեռ, աշխատանք տարուեցաւ Հայաստանէն՝ Հ.Մ.Լ.Մ.ի սկսուտական պատասխանատուներուն կողմէ, յանգելու համար այն եզրակացութեան, թէ Համաշխարհային Սկսուտական Շարժումին մօտ հայութիւնը ներկայացնող Հայ Արիներու միութիւնը պէտք է փոխարինուի Հայաստանի սկսուտութեամբ, Հ.Մ.Լ.Մ.ի նշանաբանը, կանոնադիրն ու դաւանանքը ընդունող սկսուտութեամբ, որ սակայն պիտի չկրէր Հ.Մ.Լ.Մ.ի

ՑԱՒԱԿՑԱԳԻՐ

Հ.Մ.Լ.Մ.ի Կեդրոնական Վարչութիւն,
Պէյրութ, Լիբանան

Միւրելի վարչական եղբայրներ,

Խոր ցաւով իմացայ եղբ. Գեղարդի (Տոքթ. Յարութիւն Գապանճեանի) անսպասելի մահուան տխուր լուրը:

Խոր յուշումով կը մասնակցիմ Հ.Մ.Լ.Մ.ի մեծ ընտանիքին կորուստին եւ Կեդրոնական Վարչութեան սուգին:

Յարգա՛նք հաւատաւոր Հ.Մ.Լ.Մ.ականին, յարգա՛նք ազգային կեանքի բազմակողմանի իր գործունէութեան, յարգա՛նք գրական իր վաստակին, յարգա՛նք եղբ. Գեղարդի միութեանական երկարամեայ ծառայութեան՝ ի սպաս մեր սկսուտական ու մարզական շարքերուն:

Այս տխուր իրականութեան առջեւ ընդունեցէք իմ խորազգաց ցաւակցութիւններս: Կը խնդրեմ ձեզմէ վշտակցութիւններս փոխանցել հանգուցեալ եղբոր հարապատներուն:

Թող Աստուած լուսաւորէ իր հոգին:

Մոնթրէալ

Եղբայրական զգացումներով՝
ՎԱՐՈՒԺԱՆ ՍԵՐՈԲԵԱՆ



1995. եղբ. Յարութին Գեղարդ Հ.Մ.Ը.Մ.ի ճրդ Պատգամատրական Ժողովին, Պրումաննա, Լիբանան: Ջախէն աջ՝ եղբայրներ Վարուժան Գազանճեան, Ժագ Պոյանճեան, Յարութին Գեղարդ, քոյր Սելլա Թճնուկեան, Ասոմ Թճնուկեան եւ Արա Յակոբեան:

անունը, որովհետեւ Համաշխարհային Սկառտական Շարժումին չէին կրնար միութիւններ մաս կազմել, այլ՝ երկիրներ

առակով մը բերեղացնող եւ սրամիտ կատակով մը կացութիւններ փրկող անհրկնելի տիպար, եզակի Հ.Մ.Ը.Մ.ական:

ներկայացնող սկառտական կազմակերպութիւններ (Հայ Արիներու օրինակը բացառութիւն էր եւ ունէր հին պատմութիւն):

Կը մնար, ուրեմն, Հ.Մ.Ը.Մ.ի Հայաստանի սկառտութեան համար գտնել անուն մը, որպէսզի ան գրանցուէր Համաշխարհային Սկառտական Շարժումին մօտ: Եւ ահա, եղբ. Գեղարդ հո՛ս է որ կը յղանար Հայաստանի Ազգային Սկառտական Կազմակերպութիւն, յապառուած՝ Հ.Ա.Ս.Կ. անունը, որ կը վաւերացուէր Հ.Մ.Ը.Մ.ի Զ. Պատգամաւորական Ժողովին կողմէ 1995ին եւ այնուհետեւ կը դառնար Հ.Մ.Ը.Մ.ի Հայաստանի սկառտութիւնը ներկայացնող պաշտօնական անունը:

Այս բոլորը պատմութեան յանձնելով, չենք կրնար մոռնալ եղբ. Գեղարդը: Չենք կրնար մոռնալ զինք, մանաւանդ, իբրեւ իր տեսակէտները ամուր պաշտպանող, դժուար պահերու միտքերը

BDF ••••

SUD S.A.L. AGENT EXCLUSIF. Tel: 09-214507/9/10

Հ.Մ.Ը.Մ.ԱԿԱՆ ՄԱՐԶԻԿԻՆ ՏԱՄՆԱԲԱՆԵԱՆ

- Գ. -



Պետրոս Շեմսեւեան ՊԷՅՐՈՒԹ

«4. Ան գուսպ է իր արտայայտութիւններուն կամ շարժումներուն մէջ եւ նախանձախնդիր է իր պատկանած միութեան բարոյականին»:

Մարզիկ մը Հ.Մ.Ը.Մ.ին անդամագրուելով ինքնաբերաբար մաս կը կազմէ միութեան մեծ ընտանիքին եւ կը դառնայ անոր մէկ անդամը, ճիշդ այնպէս՝ ինչպէս որ մաս պիտի կազմէր իր հարազատ ընտանիքին: Հետեւաբար, այն նախանձախնդրութիւնը եւ գուրգուրանքը, զոր ան կը ցուցաբերէ ընտանիքին բարոյականին նկատմամբ, կը սպասուի որ ցուցաբերէ նաեւ միութենական ընտանիքի անդամներուն հանդէպ: Եւ ինչպէս ընտանիքի անդամին վարքն ու բարքը հարազատ պատկերը կու տայ, թէ ինչպիսի ընտանիքի մը անդամ է եմթական, նոյն պատկերը կը ստանայ դուրսէն դիտողը, թէ ինչպիսի միութեան մը կ'անդամակցի ինդրոյ առարկայ անձը:

Ահա թէ ինչու, Հ.Մ.Ը.Մ.ական իւրաքանչիւր մարզիկ պէտք է գուսպ ըլլայ իր արտայայտութեան եւ նիստ ու կացին մէջ: Մարզիկ իրմով իր պատկանած միութիւնը կրնան դատել:

Հ.Մ.Ը.Մ.ի անդամագրուելով, Հ.Մ.Ը.Մ.ական մարզիկը կամովին կը հրաժարի իր սանձարձակ ազատութենէն եւ կ'ընդունի ապրել ազատութեան մը մէջ, որ սահմանազոտուած է միութենական կանոնադրով եւ ժողովներու որոշումներով: Ան կը նկատուի իր միութեան դիմագիծը, ուր որ ալ գտնուի: Մարզիկ իրեն չեն նայիր իբրեւ սոսկական անձ, թիւ, այլ՝ անոր կը նային Հ.Մ.Ը.Մ.ի պրիսմակէն:

Մարզիկ երբ նային Հ.Մ.Ը.Մ.ական մարզիկին, դիւրութեամբ պէտք է կարենան զանազանը զայն ոչ-Հ.Մ.Ը.-

Մ.ական մարզիկէն: Մարզիկ երբ անոր հետ խօսին եւ փորձեն զայն աւելի մօտէն ճանչնալ, պիտի տեսնեն, թէ անոնք գործ չունին մարզական պարզ ակումբի մը մէկ անդամին հետ, այլ՝ գործ ունին համաշխարհային կառոյցով միութեան մը մէկ անդամին հետ:

Անոնք պիտի նկատեն, որ մարզիկէն ու մարզականէն առաջ, իրենք գործ ունին յանձնառու միութենականի մը հետ, որուն համար մարզակերտումը, հայրենասիրութիւնը, ազգային արժէքներու հանդէպ յանձնառութիւնը գերադաս կը նկատուին՝ վարչական ընթացիկ իրագործումներէ:

Հ.Մ.Ը.Մ.ական մարզիկին այս նկարագիրը պիտի արտացոլայ իր առօրեայ նիստ ու կացին ընդմէջէն: Իր իւրաքանչիւր շարժումը պիտի դիտուի իբրեւ միութեան շարժումը: Մէկ խօսքով, ինք հայելին պիտի ըլլայ իր պատկանած մեծ միութեան՝ Հ.Մ.Ը.Մ.ին: Ահա թէ ինչու ան գուսպ եւ ուշադիր պիտի ըլլայ իր իւրաքանչիւր խօսքին եւ արարքին մէջ:

Հ.Մ.Ը.Մ.ական մարզիկին միութենական այս նկարագիրը իրմէ անբաժան կը մնայ իր կեանքին ամբողջ տեւողութեան: Աւելին, երբ մարզիկ մը անդամական երկար տարիներէ ետք անցած է իր գործունէութեան տարիքային եւ ֆիզիքական կազմաւորման սահմանները, ու դարձած է չափահաս եւ հաւատաւոր միութենական, երկար տարիներու ընթացքին, մինչեւ խոր ծերութիւն, իրմէ անբաժան կը մնան Հ.Մ.Ը.Մ.ական տիպար մարզիկի նկարագրային հիմնական գիծերը:

Մէկ խօսքով, ի տես Հ.Մ.Ը.Մ.ական մարզիկի մը, մարզիկ պիտի կարենան անվարան ըսել, թէ «ահա՛, այս մարզիկը որ կ'անցնի, անպայման Հ.Մ.Ը.Մ.ական մարզիկ ըլլալու է»:

Մարզական հանդիպումներուն իր կեցուածքով եւ վարելակերպով Հ.Մ.Ը.Մ.ականը հանդիսատեսներուն անպայման ըսել պիտի տայ, թէ այս մարզիկը իսկական օրինակելի մարզիկ է, Հ.Մ.Ը.Մ.ական տիպար մարզիկ է:

Հ.Մ.Ը.Մ.Ը ՉԱԿԱԽՔԻ ՄԷՉ

Թղթակից ԱԽԱԼՔԱԼԱՔ

Զաւախքում սկսուտական աշխատանքների կազմակերպումը սկսուել է 2000ից, իսկ 2001ին արուել են կազմակերպական առաջին քայլերը: 2002-2004, Հայաստանից գործուղուած աստիճանաւորների կողմից սեմինարներ են կազմակերպուել Ախալքալաքում, Ախալցխայում, Գանձայում եւ Ծալկայում: Սեմինարների նպատակն էր հայ համայնքի երեխաներին ծանօթացնել սկսուտական գործուելնէութեանը եւ ներգրաւել նրանց շարժման մէջ:

2002ին կազմակերպական աշխատանքները շարունակուելին ամիսը 1-2 անգամ. եղան այցելութիւններ՝ Կենտրոնական Վարչութեան պատասխանատուի եւ խմբապետների կողմից:

Մայիսին, այցելութիւններից յետոյ որոշուելց կազմակերպել դպրոց-բանակում, որի նպատակն էր Չաւախքում կազմակերպել առաջին սկսուտական բանակումը, փոխանցել սկսուտական գիտելիքներ, ընտրել մասնակիցներ համահայկական Ղրղ բանակումին մասնակցելու համար: Բանակումը տուելց իր դրական արդիւնքները:

2002ի Յուլիսին, Գանձայում կազմակերպուել է եօրեայ բանակում, որին մասնակցել է 35 սկսուտ (Ախալքալաք 15, Ախալցխա 8, Սաթխա 5, Գանձա 6 եւ Ջիղրաշէն 1): Ըստ մասնակիցների աշխուտութեան եւ քննութեան արդիւնքների, 10 լաւագոյններն ընտրուել են մասնակցելու համահայկական Ղրղ բանակումին:

Հոկտեմբեր ամսից շարունակուել են այցելութիւնները շրջան: Սակայն եղել են զանազան դժուարութիւններ: Այնուհետեւ, գործուելնէութիւնը շարունակուել է Հ.Մ.Ը.Մ.-Հ.Ա.Ս.Կ-ի Կենտրոնական Վարչութեան կողմից տրամադրուած միջոցների եւ նուերատուութիւնների շնորհիւ:

Նոյեմբեր ամսին եղել է գործուղուած Կենտրոնական Վարչութեան ներկայացուցիչի եւ 2 խմբապետների մասնակցութեամբ: Նոյն կազմով այցելութիւնները շարունակուել են Յունուարի 31ից Փետրուարի 2ը: Այս այցելութիւնների հիմնական նպատակը եղել է տեղի աստիճանաւորական կազմի հետ աշխատանքը, նոր խմբերի ձեւաւորումը, աստիճանաւորական սեմինարի կազմակերպումը, աստիճանաւորական խորհրդի ձեւաւորումը: Փետրուարի 6-10ը եղել են այցելութիւններ շրջաններ եւ կազմակերպուել է աստիճանաւորական սեմինար, որի վերջում ընտրուել է խմբապետական խորհուրդ: Վերջինը Կենտրոնական Վարչութեան ներկայացուցիչի մասնակցութեամբ հրաւիրել է հիմնադիր ժողով, ընտրել է



դիւան, կազմել ծրագիր եւ նախահաշիւ: Խմբապետական խորհուրդը լրիւ կազմով մասնակցել է Ծաղկաձորում կազմակերպուած Հ.Մ.Ը.Մ.-Հ.Ա.Ս.Կ-ի սեմինար-բանակումին, որտեղ քննութիւններից յետոյ անդամներին շնորհուել են աստիճաններ: 2003-2004ին կազմակերպուել է երդման երկու արարողութիւն, որոնցից մէկին մասնակցել են նաեւ Երեւանի սկսուտները: 2002-2004ի ընթացքում Չաւախքի սկսուտները մասնակցել են համա-Հ.Մ.Ը.Մ.ական բանակումին, Հ.Մ.Ը.Մ.-Հ.Ա.Ս.Կ-ի համահայաստանեան բանակումներին, սեմինարներին, միջոցառումներին, ձեռք են բերել բաւականաչափ փորձառութիւն: 2004-2005ի ձմրանը կազմակերպուել է Ամանորեայ մեծ միջոցառում, ձմեռնային մարզաձեւերի մրցոյթ, որին մասնակցել են ոչ միայն սկսուտներ, այլ նաեւ՝ դպրոցականներ եւ ուսանողներ: Աշխատանքներ են տարուում կազմակերպա-



կան կառույցը ընդլայնելու ուղղութեամբ, տեղում գործում է խմբապետական խորհուրդի կողմից նշանակուած մնայուն գործիչ, գործում է նաեւ աստիճանաւորական խորհուրդ, որի անդամների աստիճանները շնորհուրով են Հայաստանում տեղի ունեցած աստիճանաւորական սեմինար-բանակումների ընթացքում: Նախատեսուած է նաեւ տեղում ձեւաւորել վարչութիւն՝ կազմակերպական աշխատանքների աւելի հեշտացման նպատակով:

2005ի ձմրանը Ջաւախքի սկաուտները մասնակցել են Ծաղկաձորում տեղի ունեցած խմբապետական բանակումին:

2005ի Յուլիսի 24-27ը 5 հոգի մասնակցել է Բիւրականում կայացած մնայուն դպրոցի:

Ջաւախքի սկաուտները նաեւ մասնակցել են.-

●2001

Մայիսի 4-6, Հ.Մ.Ը.Մ.-Հ.Ա.Ս.Կ.ի Կենտրոնական գրասենեակում կազմակերպուած վարչականների սեմինարին (3 հոգի):

Յուլիսի 8-12, Բ. կարգի Համահայաստանեան սեմինարին, Բիւրական (3 հոգի):

Յուլիս 12-20, Համահայաստանեան բանակումին՝ նուիրուած Քրիստոնէութեան պետական ճանաչման 1700ամեակին (6 հոգի):

Օգոստոս, Ջաւախքի տարեկան բանակումին, Ախալքալաք (60 հոգի):

Սեպտեմբեր, Ա. կարգի սեմինարին, Երեւանում (4 հոգի):

Սեպտեմբերի 21-23, Նորընծայ եւ Բ. կարգի սեմինարների՝ Ջաւախքում: 4 սկաուտներ ստացան Բ. կարգ, իսկ 3 սկաուտներ Նորընծայ:

●2002

Ապրիլ, Նորընծայ կարգի սեմինար՝ Ախալքալաքում (24 հոգի):

Յուլիս, Բիւրականում անցկացուած տարեկան բանակում (12 հոգի):

Յուլիսի 19-21, եւօրեայ դպրոց-բանակում՝ Գանձայում. 37 մասնակից Ախալքալաքից, Ախալցխայից, Սաթխայից, Գանձայից, Փոկայից, Ջիգրաշէնից: Յուլիս, Համահայկական Դրդ բանակում (8 մասնակից):

Օգոստոսի առաջին կէս, գալլիկ պատասխանատուների սեմինար Բիւրականում (6 հոգի):

Օգոստոսի, երկրորդ կէս, Ջաւախքի տարեկան բանակում Ախալքալաքում (120 հոգի):

Սեպտեմբեր, Ա. կարգի սեմինար Երեւանում (12 մասնակից):

●2003

Ապրիլի 2, երդման արարողութիւն՝ Ախալքալաքի Ս. աչ եկեղեցու բակում (35 սկաուտ):

Ապրիլ, Հ.Մ.Ը.Մ.ի պաշտօնական գրանցում Բոգդանովկայում:

Յունիս, մասնակցութիւն Հ.Մ.Ը.Մ.ի Տրդ Պատգամաւորական Ժողովին (1 հոգի):

●2004

Մարտի 26-28, Նորընծայ կարգի սեմինար-բանակում, 35 նորագիր, 13ը մասնակցել են երդման արարողութեան:

Ապրիլի 24ին նուիրուած միջոցառումներ են կազմակերպուել Ախալցխայում, Ախալքալաքում, Գիւմրիում, Ղարախում եւ Բոգդանովկայում:

Յուլիսի 7ը, Արշաւ-բանակում՝ Ախալցխա-Սուխիսի ամարանոց-Պանդլուխ (27 մասնակից):

Հոկտեմբեր 6-10, Ախալցխայի եւ յարակից գիւղերի բանակում՝ Սուխիսի ամարանոցներում (35 մասնակից):

Դեկտեմբերի 9-11, մասնակցութիւն Գիւմրիում կազմակերպուած սեմինարին, 2 հոգի որպէս աստիճանաւոր:

Դեկտեմբեր, Ամանորեայ մեծ միջոցառում եւ ձմեռնային մարզաձեւերի մրցոյթ՝ սկաուտների, ուսանողների եւ դպրոցականների մասնակցութեամբ:

●2005

Փետրուար, մասնակցութիւն Ծաղկաձորում կազմակերպուած Հ.Մ.Ը.Մ.-Հ.Ա.Ս.Կ.ի մնայուն դպրոցի գործնական սեմինարի առաջին փուլին:

Յունիսի 24-27ը, մասնակցութիւն Բիւրականում կազմակերպուած Հ.Մ.Ը.Մ.-Հ.Ա.Ս.Կ.ի մնայուն դպրոցի գործնական սեմինարի երկրորդ փուլին (5 մասնակից):

Այս ամէնից բացի, Հ.Մ.Ը.Մ.-Հ.Ա.Ս.Կ.ի ներկայացուցիչները ժամանակ առ ժամանակ գործուղուել են Ջաւախք, աշխատանքների հետեւելու եւ ծագած խնդիրների տեղում լուծումներ տալու համար:



Հայկական Յեղասպանության 90ամեակին առիթով, Բ. Եսաուրովի տուն-թանգարանին առջև:

Հ.Մ.Ը.Մ.Ի ՊՈՒԼԿԱՐԻՈՅ ՇՐՋԱՆԸ ԵՐԷԿ ԵՒ ԱՅՍՕՐ

Կարապետ Կեմճեան ՍՈՖԻԱ

Երկար նախապատրաստութիւններէ ետք, 16 Նոյեմբեր 1918ին, Պոլիս, Գրիգոր Յակոբեանի գրասենեակին մէջ հրաւիրուած խորհրդակցութեան մը ընթացքին ծնունդ կ'առնէ Հայ Մարմնակրթական Ընդհանուր Միութիւնը: Ծուռով կը կազմուին մասնաճիւղեր, որոնց թիւը կը հասնի 23ի: Յ. Ճ. Սիրունի (Յակոբ Ճոլոյեան), Գրիգոր Յակոբեան եւ Տիգրան Խոյեան կը պատրաստեն միութեան Ծրագիր-Կանոնագիրը: Միութեան նպատակ կը ճշդուի պատրաստել ֆիզիքայէս տոկոսն, իմացական եւ հոգեկան բարձր արժանիքի տէր հայեր եւ տիպար քաղաքացիներ: Սորվեցնել ըլլալ չարքաշ եւ արի, ազգասէր եւ հայրենասէր, օրինապահ եւ կարգապահ: Նշանաբան կ'որգեգրուի «Բարձրացի՛ր՝բարձրացուր»ը:

Հ.Մ.Ը.Մ.Ի անդրանիկ Կեղրոնական Վարչութիւնը կը կազմակերպէ ճրի դեղարան եւ շարժուն հիւանդանոց: Երկու ամսուան ընթացքին կը խնամուին շուրջ 1500 գաղթականներ: Անոնց կը հայթայթուի փայտ, իբրեւ վառելանիւթ:

Հայաստանի կրթութեան օրուան նախարար՝ Նիկոլ Աղբալեանի խնդրանքով հայրենիք կը գործուողուին մարզանքի ուսուցիչներ՝ Վահան Չերազ, Տիգրան Խոյեան եւ Օննիկ Եազմաճեան, նուիրուելու հայրենիքի ծառայութեան եւ հազարաւոր որբերու դաստիարակութեան:

Մինչ այդ, քեմալական շարժումը կը հասնի իշխանութեան գլուխ: Հ.Մ.Ը.Մ.Ի Կեղրոնական Վարչութիւնը, ստիպուած, 16 Սեպտեմբեր 1922ի իր նիստին կ'որոշէ Թուրքիոյ մէջ լուծուած յայտարարել միութիւնը, Սփիւռքի մէջ շարունակելու համար ազգապահպանման նուիրական իր առաքելութիւնը:

ՀԻՆ ՕՐԵՐԸ

Պոլիսէն դուրս, Հ.Մ.Ը.Մ.Ի առաջին մասնաճիւղին հիմնադրութիւնը կը կատարուի, Փարիզի հետ զուգընթաց, Պուլկարիոյ Վառնա քաղաքը, 1920ի ամբարան: Ետ չանցած իրարու ետեւ կը հիմնուին Փլովտիվի եւ Ռուսէի մասնաճիւղերը 1921ին, Սոֆիայի մասնաճիւղը 1922ին, Սլիվէնի մասնաճիւղը 1923ին, Պազարճիքի, Պուրկասի եւ Սթարա Ջակոբայի մասնաճիւղերը 1924ին, Խասքովոյի եւ Ծումէնի մասնաճիւղերը 1925ին, Այթոսի եւ Պորիսովկրատի մասնաճիւղերը 1930ին :

Մասնաճիւղեր կը ստեղծուին նաեւ Տոպրիչ եւ Սլիխթրա քաղաքներուն մէջ, որոնք այդ տարիներուն եղած են Ռումանիոյ սահմաններուն մէջ:

Բոլոր մասնաճիւղերը, առանց բացառութեան, մարզական գետնի վրայ կ'ունենան բեղուն գործունէութիւն: Յաջողութիւնները կ'ըլլան բարձր մակարդակի: Անշուշտ, օրուան չափանիչերուն համեմատ: Փլովտիվի ակթիվ-

ները կը մասնակցին Պալ-քանեան մրցումներու, իսկ Վառնայի ֆուլթայլիստները կը խաղան Պուլկարիոյ ազգային խումբէն:

Հ.Մ.Ը.Մ-ի Պուլկարիոյ Շրջանային Վարչութեան անդրանիկ ժողովը տեղի կ'ունենայ 26 Հոկտեմբեր 1924ին: Ատենապետ կ'ընտրուի տղթ. Թովմաս Թովմասեան, ատենադպիր՝ Կարօ Ղազարոսեան (Կ. Մեհեան): Մինչեւ 1936, Շրջանային Վարչութիւնը կը կազմակերպէ 9 ողիմպիականներ, 7ը՝ Փլովտիվ, 1ը՝ Սոֆիա եւ 1ը՝ Վառնա:

Յաւ ի սիրտ, Հ.Մ.Ը.Մ-ը Պուլկարիոյ մէջ կը գործէ մինչեւ 1944, երբ համայնավար բռնատիրական վարչակարգի կարգադրութեամբ կ'արգելւին բոլոր կազմակերպութիւնները եւ անոնց ղեկավարներէն շատերը կ'աքսորուին Սիպերիա:

ՆՈՐ ՕՐԵՐԸ

Պուլկարիոյ Հ.Մ.Ը.Մ-ը նոր օրերու իր վերածնունդը դիմաւորեց 1991ին եւ վերանորոգեց իր ուխտը՝ ծառայելու Հայաստանին: Այսպէս, 27 Մարտ 1991ին վերականգնեցաւ Սոֆիայի մասնաճիւղը, 15 Սեպտեմբերին՝ Փլովտիվի, 21



Մեծ Եղեռնի յուշարձանին առջեւ գրական մատուցում:

Դեկտեմբերին՝ Ռուսէի, իսկ 1992ի գարնան՝ Վառնայի մասնաճիւղը: Յետոյ՝ 31 Մայիս 1997ին Շումէնի, իսկ 9 Յունուար 1999ին Պուրկասի մասնաճիւղերը: Նոյն տարին՝ նաեւ Տոպրիչը:

Վերականգնումի առաջին օրէն իսկ, քաղաքի մնացեալ կազմակերպութիւններուն հետ, Հ.Մ.Ը.Մ-ը աշխոյժ մասնակցութիւն ունեցաւ գաղութի հանրային բոլոր ձեռնարկներուն (Վարդանանց, Ապրիլ 24, Մայիս 28, Սեպտեմբեր 21):

Շրջանի գործունէութիւնը համադրելու նպատակով, սկզբնական տարիներուն կը կազմակերպուէին տարեկան երկու, երեք, նոյնիսկ երբեմն չորս խորհրդաժողովներ, որոնց կը մասնակցէին շրջանի գրեթէ բոլոր մասնաճիւղերու վարչութիւնները: Այդ հանդիպումներուն կը ճշդուէին մանրամասնութիւնները բանակումներու, յրեշեանական հանդիսութիւններու եւ այլն: 1990 ա կ ա ն թուականներուն շրջանը յաջողեցաւ

Համա-Հ.Մ.Ը.Մ-ական ընդհանուր բանակումներուն Հայաստան ուղարկել 15 սկաուտ (1994ին՝ 3 սկաուտ, 1998ին՝ 5, 2002ին՝ 7): 20 սկաուտներ ալ առիթը ունեցան մասնակցելու Յունաստանի շրջանի բանակումներուն (1993ին՝ 10 ըսկաուտ, 1995ին՝ 10): 6 այլ սկաուտներ մասնակցեցան ՀՕՄի բանակումին, Խալքիտիքի մէջ:

Հ.Մ.Ը.Մ-ի Պուլկարիոյ շրջանը մասնակցեցաւ միութեան վերջին երեք Պատգամաւորական ժողովներուն (1995, 1999, 2003), ինչպէս նաեւ՝ 1997ի եւ 2001ի միջ-դիւանական խորհրդաժողովներուն:

Համա-Հ.Մ.Ը.Մ-ական 7րդ մարզախաղերուն, Յուլիս 2005ին, Աթէնք, Պուլկարիոյ շրջանէն մասնակցեցաւ Վառնայի մասնաճիւղը՝ վոլիպոլի տղոց խումբով:

Վերականգնումէն մինչեւ օրս, Հ.Մ.Ը.Մ-ի Սոֆիայի մասնաճիւղին շարքէն անցած են մօտաւորապէս 120 պատանիներ, որոնցմէ շատեր յաջողութեամբ աւարտած են լաւագոյն համալըսարաններ: Ոմանք չչարունակեցին իրենց գործունէութիւնը Հ.Մ.Ը.Մ-ի մէջ եւ նախընտրեցին մաս կազմել երգչախումբի, թատերախումբի եւ երիտասարդական կազմակերպութեան: Նոյնիսկ եկեղեցւոյ խորանը ունեցանք երկու ծառայողներ: Մեր արիւնքը եւ արհեստները հաւատարիմ մնացին եկեղեցւոյ մէջ իրենց տուած խոստումին: Զանազան հանգստատուներու մէջ, ուր կ'ըլլային մեր բանակումները, ծառայողներու ուշադրութենէն չէր վրիպած մեր սկաուտներուն վարքը, օրը երեք անգամ «Հայր մեր»ը արտասանելու հեզութիւնը: Անկեղծօրէն, անոնք կ'ըսէին, որ մերինները կը տարբերին աշակերտական ուրիշ խումբերէ:

Կ'ընդունինք, որ ցարդ չյաջողեցանք տղոց հայերէն խօսելու վարժութիւն տալ, բայց այդ կարելի չէ, երբ ծնողները իրենք տան մէջ չեն գործածեր մայրենի լեզուն: Հակառակ որ Հ.Մ.Ը.Մ-ի մէջ հայկական ջերմ միջավայր ստեղծելով որոշ գոհացում կը ստանանք: Բայց, ցա-



Իկլիքա. բանակումի մասնակիցներ:



Սկաուտական խոստման արարողություն:
Աշխն՝ եղբայրներ Կարապետ Կեմճեան եւ Խորէն Քիրազեան:

ւով կը հաստատենք, որ պուրկարահա-
յութիւնը չի գիտակցիր, որ այս ընթաց-
քով ինք եւս կրնայ մատնուիլ կորսուած
այլ գաղութներու ճակատագրին:

Վտանգաւոր ժամանակներ կ'ապ-
րինք, ամէն տեսակ փորձութիւններով
լեցուն կեանք մը: Եթէ ծնողներ կը փա-
փաքին շաբաթը գէթ քանի մը ժամ
իրենց զաւակները հեռու պահել այդ բո-
լորէն՝ թող իրենց զաւակները արձա-
նագրեն Հ.Մ.Ը.Մ.ի:

Մեր գործունէութիւնը չափազանց
դժուարացած է, որովհետեւ մեր գաղու-
թի, մասնաւորապէս Սոֆիայի պատա-
նիներուն թիւը շատ նուազած է: Սոֆ-
իայի Ուիլիւմ Սարոյեանի անուան
դպրոցը նախապէս կը յաճախէին 70-80
հայ աշակերտներ, մինչդեռ հիմա աշա-
կերտութեան թիւը հազիւ կը հաշուէ 15-
20 հոգի: Միւս կողմէ, պատանիներու
հետ աշխատող կազմակերպութիւննե-
րուն թիւն ալ աւելցած է: Կը մնայ ծնող-
ներու ազգասիրական որոշումը՝ իրենց
զաւակները հայ պահելու համար:

Maison Mere
4 Sekkat El Manakh, Cairo - Egypt
Tel: (202) 3913296 - 3918542
Fax: (202) 3903899

Ramses Hilton
Tel: (202) 5758000 - 5744400
Direct: (202) 5751790

Zamalek
11 Hassan Sabry st., Degla center
Tel: (202) 3322121 - 3322130
Fax: (202) 3322130

**VARTAN
KAZANDJIAN**

KAZANDJIAN

E-mail: vartan@intouch.com **Joillier-Orfevre Fonde en 1920**



ՆՈՐԱՅԱՅՏ ՆԱՄԱԿՆԵՐ՝ ՄԱՏԹԵՈՍ ՉԱՐԻՖԵԱՆԻ ԹՂԹԱՊԱՆԱԿԷՆ

Հ.Մ.Ը.Մ.ի արխիվները հարստացնող կարևոր փաստաթուղթեր են այս էջերով ներկայացրած նամակները, որոնք կը հրատարակուին առաջին անգամ ըլլալով: Անոնց բնօրինակներուն ճակատագիրը անծանօթ է: Լուսապատճենները գտնուած են Չարիֆեանի ազգականներէն՝ Եղյանտ Աճէմեանի մօտ եւ Համալգայի-նի Ճեմարանի տնօրէնութեան կողմէ տրամադրուած են «Մարզիկ»ին:

Նամակներէն մէկը Չարիֆեանին ուղղուած է Հ.Մ.Ը.Մ.ի Կեդրոնական Վարչութեան կողմէ՝ 1 Նոյեմբեր 1920ին: Նամակ մըն ալ յղուած է Հ.Մ.Ը.Մ.ի Սկիւտարի մասնաճիւղին կողմէ՝ 29 Օգոստոս 1921ին (նամակին լուսապատճենը, օրին, նկարի ձեւով լոյս տեսած է Տիգրան Քինյ. Խոյեանի «Նահատակ ցեղի անմահներ» գիրքին մէջ, էջ 45): Այդ տարիներուն Չարիֆեան մարմնամարզի ուսուցիչ էր Սկիւտարի Պերպերեան վարժարանին մէջ:

Երեք գրութիւն, նամակ մը եւ երկու նօթ, Չարիֆեանի հասցէագրուած են Սկիւտարի Հայ Մարմնամարզարանին կողմէ, իսկ նամակ մըն ալ՝ Ս. Խաչ երկսեռ վարժարանի տնօրէնութեան կողմէ:

Մեծայարգ պարոն Մատթէոս Չարիֆեան

Աստ

Սիրելի բարեկամ եւ պաշտօնակից, Փափաքելով որ Ս. Խաչ վարժարանի երկսեռ աշակերտութիւնը մարմնամարզի կանոնաւոր դասընթացը մը ունենայ, տնօրէնութիւնս դիմում կ'ընէ Ձեր ազնուութեան, որպէսզի կամ դուք անձամբ, եւ կամ Ձեր կողմէ ընտրուած ուրիշ յարմարագոյն մարզիչի մը միջոցաւ հաճիք անձուիրաբար ըստանձնել այս կարևոր դասը:

Յուսալով որ անհեռեանք չէք թողոր խնդրանքս, որ Ձեր սրտին այնքան մօտիկ եղող ձեռնարկի մը շուրջ կը դառնայ, կանխայայտ շնորհակալութեանց հետ Ձեզ կը մատուցանեմ խորին յարգանքներս:

24 Փետր. 1920

Սկիւտար

Գ. ԿԻՐԱԿՈՍԵԱՆ

Տնօրէնութիւն
Ս. Խաչ երկս. վարժարանաց
ՍԿԻՒՏԱՐ (Սելամիէ)

18 Յունիս 1920

Մեծայարգ պրն. Մատթ. Չարիֆեան
Ազնիւ բարեկամս,
Մարմնամարզի քննութեան համար բոլոր աշակերտները

ՄԱՏԹԵՈՍ ՉԱՐԻՖԵԱՆ



Եղերաբախտ բանաստեղծ-մարզիկ Մատթէոս Չարիֆեան ծնած է 1894ին, Պոլիս (Կէտիկ Փաշա): Թափառած է դպրոցէ դպրոց.- Պերպերեան, Պարտիպակի Ամերիկեան Բարձրագոյն Վարժարան, Ռոպէրթ Գոլէճ, յետոյ կրկին Պերպերեան, զոր աւարտած է 1913ին: Կը մեկնի Ատանա, իբրեւ մարզանքի ուսուցիչ: Հոնկէ Լիբանան կ'անցնի դարմանելու իր վտանգուած առողջութիւնը: Պոլիս դարձին՝ ուսուցիչ է Պերպերեանի մէջ: 1921ին այլեւս չի կրնար շարունակել դպրոցը ու Մեծ Կղզի կ'առանձնանայ՝ դարմանելու իր հիւծած մարմինը: Մահը վիճք հոն կը գտնէ 1924ին:

Չարիֆեան առանձին հատորներով հրատարակած է «Տրտմութեան եւ խաղաղութեան երգեր» (1921), «Կեանքի ու մահուան երգեր» (1922) գործերը: Ունեցած է անաւարտ վէպ մը, որուն ձեռագիրները կորսուած կը նկատուին:

Բանաստեղծ Չարիֆեան եղած է նաեւ մարմնամարզի սիրահար մը: 1912ի հայկական Բ. ողիմպիականին ան առաջին կը հանդիսանայ երեք քայլ ուսումի, երկրորդ՝ գունդ նետելու եւ երրորդ՝ սկաւառակ եւ նիզակ նետելու մրցումներուն: 1911 Օգոստոս 28ին, ան ախոյեան կը հանդիսանայ «Բաֆֆի» միութեան տարեկան մրցաշարքին:

տրամադրելի են յառաջիկայ ԲՆ. օր, ժամը 4 էն սկսեալ: Կը յուսամ որ Զեզի համար եւս այդ պահը անյարմարութիւններ չ'ունենար:

Վարժարանիս կարօտ ուսանողաց խնամակալութիւնը ներկայացում մը կու տայ այս Կիրակի գիշեր. դուք եւս կը հրաւիրուիք ներկայ գտնուել իբրեւ դպրոցի ուսուցիչներէն մէկը: Ներփակ զրկուած տոմսը տպագրուածներէն չէ՝ պարզապէս քոնթրոլի դիւրութեան համար:

**Բարեւներով
Գ. ԿԻՐԱԿՈՍԵԱՆ**

27 Սեպտ. 1920
Սկիւտար

Յարգելի պարոն Մատթէոս Զարիֆեան

Աստ

Հայ Մարմնամարզարանի տարեկան աթլետիկ խաղերու մրցումները տեղի պիտի ունենան յառաջիկայ Կիրակի օր:

Զեր, Միութեանս հանդէպ ունեցած համակրանքնուդ վրայ վստահ, ներփակ Զեզ կը զրկեմ երեսուն հատ դպրոցականներու յատուկ տոմսակ, Պէրպէրեան վարժարանի աշակերտութեան բաժնելու համար:

**Կանխաւ շնորհակալութիւններով
Յարգանօք
ԺԻ. ՍՄԲԱՏԵԱՆ**

Հայ Մարմնամարզարան
Սկիւտար 28 IX 1920

Յարգելի պրն Մատթէոս Զարիֆեան

Աստ

Ազնիւ Տիար,

Հայ Մարմնամարզարանի տրկն. [տարեկան-«Մ.»] 7րդ ողիմպ. խաղերու սարքումին առթիւ ժողովս կու գայ հրաւիրել զքեզ սոյն հանդէսին նաչտ. դատաւորի պաշտօնը մատուցանելով:

Ուստի կը խնդրէ քեզմէ, որ բարեհաճիք ներկայ գտնուել այս Կիրակի, 3 Հոկտ. 1920 ժամը 1ին (կ.ե.) հանդէսին խաղավայրը:

**Կանխայայտ շնորհակալութեամբ
Ի դիմաց քէփթըններու ժողովի
Քէփթըն
ՀԱՅԿ ԱԴԱՄԵԱՆ**

Հայ Մարմնամարզարան
Սկիւտար Սեպտ. 30, 1920

Սիրելի Զարիֆեան

Կրնայի՞ք մեր մրցումներուն օրը տասի չափ սկսուտներ

տրամադրել կարգապահութեան հսկելու համար: Գիտեմ որ մերժել չէք գիտեր, ուրեմն

**Շնորհակալութիւններ
եւ Սիրով Զերդ**

[Ստորագրութիւնը անընթեռնի - «Մ.»]

**ՀԱՅ ՄԱՐՄՆԱԿՐԹԱԿԱՆ ԸՆԴՀԱՆՈՒՐ ՄԻՈՒԹԻՒՆ
ՀԱՅ-ՍԿԱՌԻՏՆԵՐ**

ՀԻՄՆՈՒԱԾ

Կ. ՊՈՂԻՍ

1918

Թիւ 438

Յուլիսի 1 1920

Ազնիւ Պ. Մ. Զարիֆեան
Պէրպէրեան վարժարան

Սկիւտար

Հաճոյքով ստացանք Ձեր 27 Հոկտ. թուակիր նամակը:

Վարժարանիդ մէջ սկսուտական գործը կազմակերպելու Ձեր ջանքը մեզի համար գնահատելի է: Մեր կազմակերպութեան մաս կազմելու պայմանները Ձեզի ծանօթ պէտք է ըլլան ըստ մեր ծրագիր-կանոնագրի, իսկ սկսուտական խմբային օրէնքի մասին մեր «Հայ Սկսուտ» օրկանին թիւ 17-18 էջ 287ին մէջ պաշտօնական յայտարարութեան համաձայն, Վարժարանիդ մէջ 5 խմբակ գոյութիւն ունենալով՝ դուք խմբակետի աստիճանով կը վարէք սոյն 5 խմբակները: Գալով վարչական գործերուն, տեղին մեր մասնաճիւղին հետ կը գործէք ըստ մեր ծրագրին:

Այս մասին գրած ենք Սկիւտարի մեր մասնաճիւղին, որ պէտք եղածը Ձեզ հաղորդէ եւ ձեզի հետ գործակցի: Յարգանօք՝

ԿԱՐՕ

**ՀԱՅ ՄԱՐՄՆԱԿՐԹԱԿԱՆ ԸՆԴՀԱՆՈՒՐ ՄԻՈՒԹԻՒՆ
ՀԱՅ ՍԿԱՌԻՏՆԵՐ**

ՀԻՄՆՈՒԱԾ

Կ. ՊՈՂԻՍ

1918

Թիւ 191

Սկիւտար, 29 Օգոստ. 1921

Մեծայարգ Տիար Մ. Զարիֆեան

Աստ

Մասնաճիւղիս սկսուտական Աւագ խմբակետ պ. Ս. Փափախեանի հրաժարումովը նոյն պաշտօնը պիտի փափաքէինք Ձեզ առաջարկել եւ պիտի խնդրէինք որ ընդօրոյթ պատասխանէիք մեզ գրութեամբ մը:

Ընդունեցէք այս առթիւ մեր կանխայայտ շնորհակալիքը եւ յարգանաց հաւաստին:

**Ի դիմաց Հ.Մ.Ը.Մ.ի Սկիւտարի մսճղ.ի վարչութեան
Ատենադպիր**

Փոխ ատենապետ

[Ստորագրութիւնը անընթեռնի - «Մ.»]

ԵՂԲ. ՎԱՏԷ ՉՈՔԿԱՐԵԱՆԻ ՊԱՐԳԵՒԱՏՐՈՒՄԸ՝ Հ.Մ.Ը.Մ.Ի «ԱՐԺԱՆԵԱՑ» ՇՔԱՆՇԱՆՈՎ



Վաստակաւոր Հ.Մ.Ը.Մ.Վահան, Հալէպի մասնաճիւղի 1950ական տարիներու փոխատենապետ եւ ատենապետ եղբ. Վահէ Չոքկարեանի պարգեւատրումը՝ միութեան «Արժանեաց» շքանշանով, տեղի ունեցաւ 11 Մայիս 2006ին, Մատալիոնի իր բնակարանին մէջ:



Եղբ. Վահէ Չոքկարեան
նկարուած՝ Հ.Մ.Ը.Մ.ի
պատուիրականութեան հետ:
Ջախէն աջ՝ եղբայրներ
Նազօ Հապիպեան, Արօ
Մոսիկեան, Պատրիկ
Կիւլպէնկեան, Վահէ
Չոքկարեան, Գառնիկ
Մկրտիչեան, Վիգէն
Աւագեան եւ Վահան
Համամճեան:
Լուսանկարները՝
«ՄԹԻԻՏԻՕ ԱՇՆԱԿ»ի

Այս առիթով, Մայիսի արւարձաններէն Մատալիոն գիւղը այցելեց Հ.Մ.Ը.Մ.ի բազմանդամ պատուիրակութիւն մը, որուն մաս կազմեցին Հ.Մ.Ը.Մ.ի Կեդրոնական Վարչութեան անդամ եղբայրներ Գառնիկ Մկրտիչեան, Պատրիկ Կիւլպէնկեան, «Մարգիկ»ի իմբազիր եղբ. Վիգէն Աւագեան, «Մարգիկ»ի վարչութեան անդամ եղբ. Արօ Մոսիկեան, ինչպէս նաեւ՝ «Մարգիկ»ի 25ամեակի յանձնախումբի անդամ եղ-

բայրներ՝ Նազօ Հապիպեան եւ Վահան Համամճեան:
Պատուիրակութիւնը Մատալիոնի մէջ արժանացաւ եղբ. Վահէ Չոքկարեանի հարազատներուն ջերմ ընդունելութեան: Ընդունելութեան ընթացքին, Հ.Մ.Ը.Մ.ի Կեդրոնական Վարչութեան ատենապետ եղբ. Գառնիկ Մկրտիչեան ներկայացուց եղբ. Վահէ Չոքկարեանը պարգեւատրելու Կեդրոնական Վարչութեան յայտարարութիւնը, զոր օրին՝ «Մարգիկ»ի 25ամեակի հանդիսութեան, 19 Մարտ 2006ին, պաշտօնապէս կատարուեցաւ «Յակոբ Տէր Մելքոնեան» սրահի բեմին: Եղբ. Մկրտիչեան ընթերցեց նաեւ Կեդրոնական Վարչութեան գնահատագիրը եղբ. Չոքկարեանին եւ ապա զայն պարգեւատրեց Հ.Մ.Ը.Մ.ի բարձրագոյն՝ «Արժանեաց» շքանշանով:



«Մարգիկ»ի 25ամեակի յանձնախումբի անդամներ: Ջախէն աջ՝ եղբ. Վահան Համամճեան, քոյրեր Լուսին Գազեգեան, Սիլվա Սաղըրեան, եղբայրներ Բաֆֆի Կէօվօղլանեան եւ Նազօ Հապիպեան:

Պարգեւատրեալ եղբ. Վահէ Չոքկարեան իր կարգին շնորհակալութիւն յայտնեց Հ.Մ.Ը.Մ.ի Կեդրոնական Վարչութեան եւ երախտագիտութիւնը փոխանցեց Հ.Մ.Ը.Մ.ին, որ գիտէ պատուել վաստակաւորները, անոնք որոնք իրենց ժամանակէն, քրտինքէն ու քսակէն շատ բան տուած են միութեան՝ առանց որեւէ բան սկսկալելու անկէ:

Ընդունելութեան եւ պարգեւատրման պաշտօնական բաժինին յաջորդեց մտերմիկ զրոյց մը՝ Հ.Մ.Ը.Մ.ը յուզող օրւան հարցերուն շուրջ:



ԾԻՆԵՐՈՒ ԱԶԴԵՑՈՒԹԻՒՆԸ ՄԱՐԶԻԿՆԵՐՈՒ ԿԱՏԱՐՈՂՈՒԹԵԱՆ ՎՐԱՅ

Ս. Ա.
ՊԷՅՐՈՒԹ

Աւտրալացի գիտնականներ վերջերս սկսած են երկրի ընտրանի մարզիկներուն ՏԻ. Էն. Էյ. գործածել, մշակելու համար «ձեւուած-պատրաստուած» մարզիկներ, որոնք Աւստրալիոյ վարկը պիտի պաշտպանեն մարզական միջազգային բեմերուն վրայ:

Օգտագործուած արհեստագիտութիւնը մասնագէտներուն առիթ պիտի տայ ծնողներուն ըսելու, թէ իրենց զաւակները իրենց ունեցած ծիներուն համաձայն՝ մարզական ո՞ր խաղերու մէջ կրնան լաւագոյն արդիւնքները արձանագրել եւ մօտիկ ապագային մէկական գերաստղեր դառնալ:

Միայն 20 միլիոն բնակիչ ունեցող Աւստրալիա իր «կշիռ»էն շատ աւելի արդիւնաւէտ եղած է տարիներու ընթացքին՝ մարզական աշխարհին մէջ:

Սակայն, կարգ մը մասնագէտներ զգուշացուցած են, թէ Աւստրալիա իբրեւ մարզական ազգ կրնայ ետ մնալ, եթէ

ծինային քննութիւններու չզրմէ:

Պետութեան կողմէ ֆինանսաւորուող Աւստրալիական Մարզական Հիմնարկը եւ Սիանիի Ռոյլը Փրինս Ալֆրէտի մոլեքիւլային եւ դարմանատնային ծինաբանութեան բաժանմունքին մասնագէտները արդէն իսկ գտած են մարզիկներուն ուժ եւ մղում տուող երկու ծիներ: Անոնք պիտի օգտագործուին՝ գտնելու համար ապագայ աստղեր եւ գտնո՞ք մղելու համար դէպի իրենց իտէյալ մարզական խաղերը, ըսած են հետազոտողներ:

Ռոն Թրէնթ, որ Ռոյլը Փրինս Ալֆրէտի ծինային քննութիւններու բաժանմունքին տնօրէնն է, ըսած է, թէ «կարելոր ծիներ գտնելու



պատճառներէն մէկը մարզումի աւելի լաւ ծրագիրներ ունենալն է կամ թերեւս մարզիկները մղելը դէպի յատուկ մարզանքներ, ուր անոնք յաջողութեան աւելի մեծ հաւանականութիւն ունին»:

Աւստրալիոյ Օրէնքներու Բարեկարգումի Յանձնարարութիւնը Տէյ-

վիտ Ուիսպրոթ, որուն յանձնարարութեամբ ուսումնասիրած է հետազոտութեան օրինական եւ բարոյական հետեւանքները, ըսած է, թէ կ'ողջունէ նոր արհեստագիտութիւնը:

Ուիսպրոթ յայտնած է, որ ծինային գիտութեանց եւ արհեստագիտութեան մէջ արձանագրուած յաւաքիմութիւնները գերաստղերու յառաջիկայ սերունդներուն վրայ իրենց ազդեցութիւնը պիտի ունենան:

Ճարտարագիտութիւնը օգտագործուած է աւելի արագ նաւեր եւ թեմիսի աւելի լաւ ռաքեթներ ունենալու համար, հետեւաբար անիկա նաեւ մարզիկները կատարելագործելու համար լաւ ձեւ մըն է, ընդգծած է ան:





ՍՊԻՏԱԿԱՍՈՐԹՆԵՐ ԻՆՉՈՒՒ ՉԵՆ ԿՐՆԱՐ ԵՐԿԱՐ ՏԵՒՈՂՈՒԹԵԱՄԲ ՎԱՁԵԼ

1988ին, ամերիկացի թըղթակիր ձիմի Մնայտըր յայտնած է, թէ սեւամորթ մարդիկներ պէտք է շնորհակալ ըլլան ստրուկներու սեփականատէրերու սերունդներուն՝ իրենց մարգական յաջողութիւններուն համար: Ան անշուշտ գործէ արձակած է: Սակայն անոր արտայայտութիւնները որքան ալ տգիտութեան արդիւնք ըլլան, ներկայիս բազմաթիւ գիտնականներ կը հաւատան, որ ցեղերու միջեւ կան բնախօսական տարբերութիւններ եւ թէ՛ մորթին գոյնը ատոր հետ որեւէ կապ չունի:

Ճոն Էնթայն, իր «Թապու. ինչո՞ւ սեւամորթ մարդիկ-

ներ կը տիրապետեն մարգանքին եւ ինչո՞ւ մենք կը վախնանք այդ մասին խօսելէ» գիրքին մէջ կը նշէ աւելի քան 200 գիտական ուսումնասիրութիւններ՝ կապած ցեղերու միջեւ բնախօսական տարբերութիւններու:

«Այս նիւթը գիտութեան մէջ վիճելի չէ: Բանավէճը կը սկսի միայն, երբ հարցը կ'ընդհանրանայ, օրինակ, երբ կ'ըսուի՝ բոլոր սեւամորթերը այս կամ այն են, մինչդեռ հարցը ծինաբանութեան կը վերաբերի», ըսած է ան:

500 մեթր վազքի լաւագոյն ժամանակները արձանագրուած են մեծ մասամբ սեւամորթներու կողմէ: Ճիշդ 493 մարզիկներ, որոնք ծագումով արեւմտեան ասիականներ են, մինչ արեւելեան Ասիական կարգ մը երկիրներէն

մարզիկներ կը տիրապետեն երկար վազքի մրցումներու:

Քոփենհագենի Մկանային Հետազօտութեանց Կեդրոնին մասնագէտներէն Պէնկթ Սոլթին գտած է, թէ քենիացի մարզիկները իրենց մկաններուն շուրջը եւ մէջը շատ աւելի արեան մազերակներ եւ ջերմութ արտադրող մայքոքոնոտրիաներ ունին՝ քան սկանտինաւեան մարզիկներ: Անոնք ունին նաեւ դանդաղ կծկուող մկանային աւելի մեծ թիւով մանրաթելեր:

Քենիացի մարզիկները կը թուին «չինուած ըլլալ» դանդաղօրէն ջերմութ այրելու համար, երկար հեռաւորութիւններու վրայ:

Մինչ եւրոպացիք կը թրւին տարբեր ուժեր ունենալ: Էնթայնի համաձայն, կեդրոնական Եւրոպայի եւ Եւրաս-

իոյ բնակիչները կը տիրապետեն ծանրաբարձութեան, մուրճ եւ գունդ նետելու մրցումներուն:

«Անոնք ընդհանրապէս ունին աւելի կարճ թեւեր, ինչ որ կարելոր է նման մարգական խաղերու, սակայն հոն չենք գտներ բազմաթիւ հոլանտացիներ, որոնք ընդհանրապէս հասակաւոր են», ըսած է ան:

Մինային իմաստով օժտուած կամ ոչ, ժրաջան աշխատանքը յաջողութեան բանալին է:

«Միները կարելիութիւնները կը ճշդեն: Կան հարիւրաւոր մարդիկ, որոնք Մայքըլ Ճորտընի տաղանդը ունին, սակայն կայ միայն մէկ Մայքըլ Ճորտըն», դիտել տուած է Սոլթին:

(Օգտագործուած աղբիւրներ՝ «Ա.Ֆ.Փ», «Ֆորբըս»)

With the compliments of

Restaurant Al-Mayass



Հ.Մ.Ը.Մ.Ի ԼԻԲԱՆԱՆԻ ՍԿԱՌԻՏՆԵՐԸ ՎԵՐԱՆՈՐՈԳԵՑԻՆ ԵՂԵՌՆԻ ՆԱՀԱՏԱԿՆԵՐՈՒ ԿՏԱԿԻՆ ՀԱՄԱՏԱՐԻՄ ՄՆԱԿՈՒ ԻՐԵՆՑ ՈՒԵՏԲ



Թղթակից ՊԷՅՐՈՒԹ

ՀՄԸՄ-ի Լիբանանի ըսկառուտները, ինչպէս ամէն տարի, այս տարի եւս, Եղեռնի մէկուկէս միլիոն նահատակներու կտակին հաւատարիմ մնալու իրենց ուխտը վերանորոգեցին, խոնարհեցան անոնց անմար յիշատակին առջեւ եւ խոստացան

ըլլալ արժանի յաջորդները Հայկական Յեղասպանութեան զոհերուն եւ անկէ վերապրած սերունդին:

Շաբաթ, 23 Ապրիլի երեկոյան, Հ.Մ.Ը.Մ-ի Պուրճ Համուտի, Պէյրութի, Անթրիպասի, Փրոէյտէի մասնաճիւղերու խմբապետական կազմերը եւ Հ.Մ.Ը.Մ-ի շեփորախումբը, ներկայութեամբ Հ.Մ.Ը.Մ-ի Լիբանանի Շրջանային Վարչութեան, Սկառու. խորհուրդին եւ խմբապետութեան, իրենց մասնակցութիւնը բերին Պիքֆայայի Ապրիլեան Նահատակաց մատրան շուրջ տեղի ունեցած հոգեհանգստեան պաշտօնին, զոր մատուցեց Գրիգոր Մ. Վրդ. Զիֆթճեան:

Հոգեհանգիստէն ետք, ներկայ աւելի քան 70 տարագաւորներուն իր պատգամը փոխանցեց Զարեհեան դպրեկանքի տեսուչ Գրիգոր Մ. Վրդ. Զիֆթճեան:



Ան իր խօսքին մէջ պարտք դրաւ իւրաքանչիւր հայու՝ հաւատարիմ ըլլալ իր ազգին, մշակոյթին, եկեղեցւոյ եւ հայկական արժէքներուն, որպէսզի իսկապէս անմահ մնան մեր նահատակները:

Հ.Մ.Ը.Մ-ի Լիբանանի Շրջանային Սկսուած Խորհուրդին խօսքը փոխանցեց քոյր Իրմա Ճէրէճեան: Ան ըսաւ, թէ ինչպէս համայն հայութեան զաւակները, աշխարհի տարածքին, Հ.Մ.Ը.Մ-ականները եւս կը խոնարհին Եղեռնի 1.5 միլիոն նահատակներու անմոռանալի յիշատակին առջեւ եւ կը վերանորոգեն իրենց յանձնառութեան ուխտը՝ Հայ Դատին նկատմամբ: Քոյրը դիտել տուաւ, որ թէեւ 91 տարիներ անցած են ահաւոր ոճիրէն, թէեւ Յեղասպանութենէն ճողոպրած սերունդներու յաջորդները տակաւին կը շարունակեն ցիր ու ցան ապրիլ Սփիւռքի մէջ, սակայն տակաւին անոնք կառչած կը մնան իրենց պահանջներուն եւ իրաւունքներուն: «Պիտի մերժենք համակերպիլ Սփիւռքի պարտադրած պայմաններուն, եւ



մեր հաւաքական ու միասնական կամքով պիտի պայքարինք ձուլման բոլոր դաւերուն դէմ: Ամէն օր աւելի ու աւելի հայանալէն՝ հայօրէն գործելու եւ ազգօրէն զօրանալու պատրաստակամութենէն եւ յաղթանակելու անխախտելի երդումէն բացի ելք չկայ», հաս-

տատեց քոյր Ճէրէճեան: Ան իր խօսքին աւարտին շեշտեց, որ հասած է պահը աւելի բարձր գոռալու եւ պահանջելու աշխարհէն՝ անտարբեր չմնալ 1.5 միլիոն նահատակներու արեան եւ հայ ժողովուրդի արդար իրաւունքներուն նկատմամբ:



Travel Ways - Egypt

NILE CROCODILE CRUISES





Incoming Tour Operator
Hotel & Cruise Reservation
Transportation
Excursions

Attia el Sawalhy St., Serag Center Tower#1
from Makram Ebeid- Nasr City, Cairo, Egypt
Tel: 02 2739400/500/600
www.travelways-egypt.com
marketing@twaysegy.com



Ապա, Հ.Մ.Ը.Մ-ի Լիբանանի սկաուտների անունով ծաղկեպսակներ գետեղունեցան Ապրիլեան նահատակաց յուշակոթողին առջև: Հ.Մ.Ը.Մ-ի շեփոխարումը կատարողները հնչեց

Շոփիչի մահերգը եւ իւրաքանչիւր տարագաւոր ծաղիկ մը գետեղեց յուշակոթողին տակ՝ ուխտելով հաւատարիմ մնալ նահատակներու սրբազան կտակին:

ԱՊՐԻԼ 24ԻՆ

Յաջորդ օր, 24 Ապրիլի առաւօտուն, Լիբանանի բոլոր մասնաճիւղերու տարագաւոր սկաուտները ներկայ գտնուեցան Անթիլիասի մայրավանք, ուր Եղեռնի նահատակներու յիշատակին մատուցուած հոգեհանգիստէն ետք, խիտ ու խրոխտ շարքերով մասնակցեցան լիբանանահայութեան պահանջատիրական քայլարշաւին:

Քայլարշաւը առաջնորդեցին Հ.Մ.Ը.Մ-ի եւ Հ.Բ.Ը.Մ-ի շեփոխարումբերը: Սկաուտները հսկեցին կարգապահութեան եւ տպաւորիչ ներկայութիւն եղան քայլարշաւին ամբողջ տեւողութեան:

Քայլարշաւը, 50 հազար հայորդիներու մասնակցութեամբ, երկարեցաւ Անթիլիասէն Պուրճ Համուտի քաղաքապետարանի դաշտ, ուր տեղի ունեցաւ հանդիսաւոր ոգեկոչում՝ Եղեռնի Զամեակի:

ARMENIA
for private and group trips
www.saberatours.fr

- Direct Flights
PARIS
YEREVAN
PARIS
- Select your Journey
- Guided Tours for 8 Days or 12 Days

Saberatours Sevan Voyages

WITH THE COLLABORATION OF THE NEW AIRLINE COMPANY

Armavia Արմավիա

11, rue des Pyramides 75001 Paris tel 331 42 96 10 10 fax 331 42 96 18 77 saberatours@selectour.com	48, cours de la Liberté 69003 Lyon tel 334 78 60 13 66 fax 334 78 60 92 26 sevan@selectour.com	67, La Canebière 13001 Marseille tel 334 95 09 30 60 fax 334 95 09 30 61 marseille@wasteels.fr	32-38, rue Hanrabedoutian Yerevan tel 374 10 52 55 55 fax 374 10 56 40 30 sabera@arminco.com

ԵՂԲ. ՅԱՐՈՒԹԻՒՆ ԳԱԶԱՆՃԵԱՆԻ ՅԻՇԱՏԱԿԻ ՈԳԵԿՈՉՈՒՄ

ՄԱՀՈՒԱՆ ՔԱՌԱՍՈՒՆՔԻՆ ԱՌԻԹՈՎ

Թղթակից
ՊԷՅՐՈՒԹ

Մ.Լ.Մ.ի Կեղրոնական վարչութեան նախկին անդամ՝ եղբ. Յարութիւն Գազանճեանի (Յ. Գեղարդ) մահուան քառասունըփն առիթով, Կիրակի, 23 Ապրիլ 2006ին, Հ.Մ.Ը.Մ.ի Կեղրոնական վարչութեան նախաձեռնութեամբ, հոգեհանգստեան պաշտօն մատուցուեցաւ Պէյրութի Ս. Նշան Մայր եկեղեցոյ մէջ: Հոգեհանգիստին ներկայ գտնուեցան Հ.Մ.Ը.Մ.ի Կեղրոնական վարչութեան անդամ եղբայրներ Գառնիկ Մկրտիչեան, Պատրիկ Կիւլպէնկեան, Կարպիս Գապասազարեան, Հ.Մ.Ը.Մ.ի Լիբանանի Շրջանային վարչութեան ատենապետ եղբ. Յակոբ Քէշիշեան, Համազգայինի Կեղրոնական վարչութեան անդամներ, գրէկեղբայրներ, հարազատներ եւ եղբոր յիշատակը յարգողներ:

Հոգեհանգիստէն ետք, ներկաները ուղղուեցան Հ.Մ.Ը.Մ.ի Պէյրութի ակումբը, ուր տեղի ունեցաւ յիշատակի հանդիպում:

Հանդիպումին, Հ.Մ.Ը.Մ.ի ընտանիքին կողմէ խօսք առաւ Լիբանանի Շրջանային վարչութեան ատենապետ եղբ. Յակոբ



Հ.Մ.Ը.Մ.ի Լիբանանի Շրջանային վարչութեան ատենապետ եղբ. Յակոբ Քէշիշեան խօսքի պահուն:

Քէշիշեան: Ան սգաց Հ.Մ.Ը.Մ.ի մեծ կորուստը եւ եղբ. Գազանճեանի արժանիքներուն անդրադառնալով յայտնեց, որ իր մահով հայրութիւնը կորսնցուց տիպար ազգային մը, հաւատաւոր դաղափարական մը, գրականութեան մշակ մը եւ վաստակաշատ Հ.Մ.Ը.Մ.ական մը:

Եղբ. Քէշիշեան իր խօսքին մէջ ներկայացուց եղբ. Գազանճեանի Հ.Մ.Ը.Մ.ականի հարուստ անցեալը եւ շեշտեց, որ եղբոր կարեւոր իրազործումներէն է Հ.Մ.Ը.Մ.ի սկաուտութեան ծանօթացումը Համաշխարհային Սկաուտական Շարժումին մօտ եւ անոր իբրեւ արդիւնք՝ Հ.Մ.Ը.Մ.ի անդամակցութիւնը Շարժումին, իբրեւ Հայաստանի Ազգային Սկաուտական Կազմակերպութիւն (Հ.Ա.Ս.Կ.):

Խօսքին աւարտին, եղբ. Քէշիշեան Հ.Մ.Ը.Մ.ի վշտակցութիւնները յայտնեց «հեզ, համեստ, բայց միշտ մեծ մնացած» եղբոր ընտանեկան պարագաներուն եւ հարազատներուն:

Հանդիպումը աւարտեցաւ հոգեհանգիստով:





«ՀԱՅ ՍԿԱՌՏԻ ՕՐ»ՈՒԱՆ ՏՕՆԱԿԱՏԱՐՈՒԹԻՒՆ՝ ՊԷՅՐՈՒԹԻ Ս. ՆՇԱՆ ՄԱՅՐ ԵԿԵՂԵՑԻՈՅ ՄԷՉ

Թղթակից ՊԷՅՐՈՒԹ

Լիբանանի Հայոց Թեմի Առաջնորդ Գեղամ Եպս-
կոպոստոսեանի հովանաւորութեամբ եւ Հ.Մ.Ը.Մ.ի Լի-
բանանի Շրջանային Սկառուտ- Խորհուրդի ու Խըմ-
բապետութեան կազմակերպութեամբ, Կիրակի, 26
Փետրուար 2006ին, Պէյրուսի Ս. Նշան Մայր եկե-
ղեցոյ մէջ տեղի ունեցաւ «Հայ Սկառուտի Օր»ուան տօնակա-
տարութիւն, որուն ընթացքին սկառուտներ վերանորոգեցին
իրենց խոստումը:

Տօնակատարութեան ներկայ եղան Հ.Մ.Ը.Մ.ի Կեդրոնա-
կան Վարչութեան ատենապետ եղբ. Գառնիկ Մկրտիչեան,
Կեդրոնական Վարչութեան անդամ եղբ. Կարպիս Գապասա-
գալեան, Հ.Մ.Ը.Մ.ի Լիբանանի Շրջանային Վարչութեան
ատենապետ եղբ. Յակոբ Քէշիշեան, Շրջանային Վարչու-
թեան անդամ քոյր Լուսին Գազէզեան, Հ.Մ.Ը.Մ.ի Շրջանա-
յին Սկառուտ- Խորհուրդը, Հ.Մ.Ը.Մ.ի մասնաճիւղերու վար-
չութիւններու անդամները եւ խմբապետական կազմերը:

Երգման եւ խոստման վերանորոգման արարողութենէն
առաջ, Հին Ջուղայի հայկական գերեզմանատան խաչքարե-
րու քանդումին դէմ իբրեւ բողոքի արտայայտութիւն, 340
սկառուտներ մասնակցեցան Հ.Յ.Գ. ԼԵՄի նախաձեռնած ստո-
րագրահաւաքին:

Ապա, անոնք ուղղուեցան եկեղեցի, ուր Առաջնորդ Սրբա-
զանը փոխանցեց իր պատգամը: Ան իր պատգամին մէջ յայտ-
նեց, թէ «Հայ Սկառուտի Օր»ը սկառուտական կեանքին մէջ կա-
րեւոր իրադարձութիւն մըն է: Հ.Մ.Ը.Մ.ի պատասխանատու-
ները յարմար նկատած են զայն տօնել Վարդանանց տօնին
հետ, որովհետեւ Վարդանանքը եւ Հ.Մ.Ը.Մ.ը մեր կեանքին
կը ներկայանան իբրեւ ազգային արժէքներ:

Առաջնորդը նկատել տուաւ որ 1918էն ետք հայկական բա-
նակին տեղը ստանձնեց Հ.Մ.Ը.Մ.ը, որ ուխտեց նուիրուիլ,
զոհուիլ եւ պայքարիլ հայ ժողովուրդի ազատութեան եւ յա-
ւերժութեան համար: «Մենք ձեր մէջ կը տեսնենք հայ ժողո-
վուրդին բանակը, որ ի գիւն ամէն զոհողութեան պատրաստ
է յառաջանալու եւ միշտ պատնէշի վրայ մնալու», ըսաւ Գե-
ղամ Եպս. Խաչերեան:

Առաջնորդ Սրբազանին պատգամէն ետք տեղի ունեցաւ
երգման եւ խոստման վերանորոգման արարողութիւն, որմէ
ետք աստիճանաւորական կազմերը եւ պատասխանատուները
ուղղուեցան Առաջնորդարանի դահլիճ՝ Առաջնորդ Սրբազա-
նին հետ հանդիպում մը ունենալու համար: Հանդիպման ըն-
թացքին, Սրբազանին յանձնուեցաւ սկառուտին պատիւը
խորհրդանշող սկառուտական փողկապը: Գեղամ Եպս. աչե-
րեան դարձեալ խրատական խօսքեր փոխանցեց ներկաներուն
եւ անոնցմէ իւրաքանչիւրին նուիրեց եկեղեցական գիտելիք-
ներու գրքոյկ մը:

ԵՐԷՑ-ՊԱՐՄԱՆՈՒՀԻ ՃԻՒՂԵՐՈՒ ՄԻՉ-ՄԱՍՆԱՃԻՒՂԱՅԻՆ ՌԷԼԻ-ՓԷՅՓԸՐ

Թղթակից ՊԷՅՐՈՒԹ

Հ.Մ.Ը.Մ.ի Լիբանանի Շրջանային մբապետութեան
կազմակերպութեամբ, Կիրակի, 30 Ապրիլ 2006ին,
տեղի ունեցաւ երէց-պարմանուհի ճիւղի միջ-մաս-
նաճիւղային ռելի-փէյփըրը:

Կիրակի, առաւօտեան ժամը 9ին, Հ.Մ.Ը.Մ.ի Պէյրուսի,
Պուրճ Համուտի, Անթիլիասի, ժրտէյտէի մասնաճիւղերու
երէց - պարմանուհի փաղանգներէն 51 քոյրեր եւ եղբայրներ,
ինչպէս նաեւ Շրջանային երէց ճիւղի խմբապետ եղբ. Կարէն
Աբրահամեան ներկայ էին Հ.Մ.Ը.Մ.ի Պէյրուսի ակումբը:

Քոյրերն ու եղբայրները բաժնուեցան 7 տասնեակներու:



Տասնեակները անցան
10 հանգրուաններէ՝ Պէյ-
րուսի, Պուրճ Համուտի,
ժրտէյտէի, Տորայի, Զալքայի շրջաններէն եւ ի վերջոյ հասան
Անթիլիաս՝ «Աղբալեան- Հ.Մ.Ը.Մ.» մարզամշակութային հա-
մալիր:

Ռելի փէյփըրին առաջին հանդիսացաւ «Դաւիթ Բէկ»
տասնեակը:

Սրցումի աւարտին քոյրերն ու եղբայրները ունեցան
մտերմիկ պահ մը, միասնաբար պատրաստեցին խորովածը ու
ճաշեցին ընկերային բարձր մթնոլորտի մէջ:

Յայտագիրի աւարտին, իւրաքանչիւր մասնակցողի փո-
խանցուեցաւ յուշանուէր մը:



ԱՐԻ-ԱՐԵՆՈՅՇ ՃԻՒՂԻ ԽՄԲԱՊԵՏԱԿԱՆ ՍԵՄԻՆԱՐԸ ԵՒ...

**Թղթակից
ՊԷՅՐՈՒԹ**

Սկառուտական շարքերու կազմակերպման եւ վերաորակաւորման նախանձախնդրութեամբ, Շաբաթ, 29 Ապրիլ 2006ին, Հ.Մ.Ը.Մ.ի Այնճարի ակումբին մէջ տեղի ունեցաւ Լիբանանի Շրջանային Խմբապետութեան կազմակերպած միջ-մասնաճիւղային արի-արենոյ ճիւղերու խմբապետական դաստիարակչական սեմինարը, որուն իրենց մասնակցութիւնը բերին Հ.Մ.Ը.Մ.ի Պէյրութի, Պուրճ Համուտի, Անթիլիասի, Ժըտէյտէի եւ Այնճարի մասնաճիւղերէն 27 պատասխանատուներ, գլխաւորութեամբ՝ արի ճիւղի խմբապետ եղբ. Վահէ Պօղոսեանի եւ արենոյ ճիւղի խմբապետուհի քոյր Վարդուկ Ֆրանզեանի:

Սեմինարին նիւթերը փոխանցուեցան դասախօսութիւններու, գրոյցներու եւ խաղերու միջոցով:



Առաջին նիւթն էր հոգեբանական՝ «Պատանի-պատասխանատու յարաբերութիւնը տարբեր տարիքներու»: Նիւթը ներկայացուց քոյր Սիլվա Քիւրքճեան: Ան անդրադարձաւ պատանիներու մտային, ֆիզիքական եւ անհատական կազմութեան, ինչպէս նաեւ՝ պատանիներու եւ պատասխանատուներու յարաբերութեան եղանակին: Պատասխանատուները տեղին ներկայացուցին իրենց դժուարութիւնները եւ ստացան անհրաժեշտ ցուցմունքներ:

Առաջին դասախօսութեան ետք, պատասխանատուները բաժնուեցան երկու խմբակի եւ կատարեցին կանչերու մրցում:

Սեմինարին երկրորդ նիւթն էր՝ «Սկաուտութիւնը եւ անոր դիմագրաւած դժուարութիւններն ու մտահոգութիւնները»: Նիւթը գրոյցի ճամբով ներկայացուց Շրջանային խմբապետուհի քոյր Սեղա Պէշեան: Պատասխանատուներուն մօտ հաճելի եւ հետաքրքրական էր գրոյցի բաժինը, երբ իւրաքանչիւր անդամ ընտրեց իրեն վիճակուած նիւթը եւ մնացեալ պատասխանատուներուն հետ արծարծեց զայն: Շրջանային Սկաուտ. Խորհուրդի անդամ եղբ. Ներսէս Լիպարեան ներկայացուց սկաուտական նուիրապետական կարգերը, ապա առիթ ընծայեց պատասխանատուներուն, որպէսզի ներկայացնեն իրենց հարցումները:

Շրջանային արի-արենոյ ճիւղերու խմբապետն ու խմբապետուհին պատրաստած էին խաղ մը, որուն հարցումները առնչուած էին սկաուտական ներքին ծրագիր-կանոնագիրին:

Պատասխանատուները բաժնուեցան երկու խմբակի եւ խաղացին: Այսպէսով, անոնք կարողացան վերջիչել ու սորվիլ սկաուտական ներքին ծրագիր-կանոնագիրին յօդուածները:

Դասախօսութիւններէն ետք, սեմինարին մասնակիցները պատրաստեցին խորոված եւ անցուցին մտերմիկ պահ մը:



...ՄԻՋ-ՄԱՍՆԱՃԻՒՂԱՅԻՆ ԽԱՂԻ ՕՐԸ

Թղթակից ՊԵՅՐՈՒԹ

Կիրակի, 30 Ապրիլ 2006ին, տեղի ունեցավ արի եւ արենոյշ ճիւղերու միջ-մասնաճիւղային խաղի օրը: Օրուան նպատակն էր իրարու ծանօթացնել մասնաճիւղերու արիներն ու արենոյշները եւ անոնց մէջ զարգացնել ընդհանուր տեղեկութիւններու եւ սկառուական գիտելիքներու պաշարը:

Հ.Մ.Ը.Մ-ի Պէյրուժի, Պուրճ Համուտի, Անթիլիասի, Փրտէյտի եւ Այնճարի մասնաճիւղերէն 158 արիներ եւ արենոյշներ բաժնուեցան 15 խմբակներու: Անոնք արշաւելով այցելեցին Այնճարի զանազան վայրերը, ստացան իրենց հարցարանը, լուծեցին ու ապա շարունակելով՝ անցան յաջորդ հանգրը-



ւան: Հարցարանը լուծող խմբակին տրուեցաւ բանալի մը: Կէսօրուան ճաշէն ու դադարէն ետք, անոնք շարունակեցին խաղը:


Առաւօտեան ժամը 11էն մինչեւ երեկոյեան ժամը 5 սկառուները խանդավառութեամբ խճողեցին Այնճարի փողոցները:

Տեղի ունեցաւ մրցանակաբաշխութիւն, որուն ընթացքին առաջին հանդիսացող «Թութակ» խմբակին անդամները ստացան

Կարմիր Նաչի յատուկ պաշտականեր՝ իբրեւ նուէր:

Օրուան յայտագիրին աւարտին, սեմինարին մասնակցող պատասխանատուներուն փոխանցուեցան սեմինարին մասնակցութեան հաստատագիրներ:

Երեկոյեան, բոլորը ակումբ վերադարձան խանդավառ տրամադրութիւններով՝ սպասելով ընկերային յաջորդ ձեռնարկը:



- Full of Charme Hotel, New Construction, French Architecture, International Standards, 100 m from the Republic Square and 15 minutes from the Yerevan International Airport.
- 44 Rooms and 3 Suites with all comforts, all climate controlled, minibar, shower or bathroom with private WC, hairdryer. Satellite TV, international direct dial phone. Internet & Email access.
- Individualized and personal service, 24 hour reception and room service
- Bar



Feel at home, away from home...

Reservations Yerevan
32-38, Hanrabadoutian Street,
Yerevan 375010, Armenia
Tel 374 10 54 60 60 • Fax 374 10 54 60 50
sales@europehotel.am

StudioKCHEN 2005, BARS

www.europehotel.am



Հ.Մ.Ը.Մ.Ի ԼՈՍ ԱՆՃԵԼԸՍԻ ՄԱՍՆԱՃԻԻՂԸ ՏՕՆԱԽՄԲԵՑ ԻՐ ՀԻՄՆԱԴՐՈՒԹԵԱՆ 37ՐԴ ՏԱՐԵԴԱՐՉԸ

ԵՂԲ. ՍԱՄՈՒԷԼ ՄԿՐՏԻՉԵԱՆ ԱՐԺԱՆԱՑԱԻ ԼՈՍ ԱՆՃԵԼԸՍԻ ՔԱՂԱՔԱՊԵՏՈՒԹԵԱՆ ԵՒ ՄԱՍՆԱՃԻԻՂԻ ՎԱՐՉՈՒԹԵԱՆ ԶՈՅԳ ԳՆԱՀԱՏԱԳԻՐՆԵՐՈՒՆ

Մարտ Բեչիշեան ԼՈՍ ԱՆՃԵԼԸՍ

Աւելի քան 300 Հ.Մ.Ը.Մ.ականներու, համակիրներու, նուիրատուներու եւ ծնողներու ներկայութեամբ, Հ.Մ.Ը.Մ.Ի Լոս Անճելլոսի մասնաճիւղը Փաստինայի Հայ Կեդրոնին մէջ նշեց իր հիմնադրութեան 37րդ տարեդարձը:

Տօնախմբութեան ներկայ եղան Մոնթեպելլոյի Ս. Խաչ Մայր տաճարի հոգեւոր հովիւ՝ Նարեկ Ա. Քհնյ. Փէհլիվանեան, Հ.Մ.Ը.Մ.Ի Կեդրոնական Վարչութեան անդամ եղբ. Մհեր Դաւիթեան, Շրջանային Վարչութեան ատենապետ եղբ. Բաֆֆի Իսթենճեան, մասնաճիւղի մօտ Շրջանային Վարչութեան ներկայացուցիչ եղբ. Վարդգէս Շիրտումեան, Շրջանային Ընդհանուր Խմբապետ եղբ. Հրայր Պոյաճեան եւ բազմաթիւ քոյր մասնաճիւղերու ներկայացուցիչներ:

Մասնաճիւղին վարչութեան անունով ներկաները ողջունեց ատենապետ եղբ. Փիէր Մանուկեան: Ան հպանցիկ ակնարկ մը նետելով Հ.Մ.Ը.Մ.Ի ստեղծման եւ նպատակներուն վրայ, վստահեցուց, որ Լոս Անճելլոսի մասնաճիւղը կը խոնարհի Հ.Մ.Ը.Մ.Ի հիմնադիրներու յիշատակին առջեւ եւ կը խոստանայ շարունակել այս մեծ կազմակերպութեան առաքելութիւնը՝ պատրաստելու համար վաղուան տիպար քաղաքացիներ եւ ազգային նկարագրի տէր հայր:

Եղբայրը շնորհակալութիւն յայտնեց ձեռնարկի կազմակերպիչ յանձնախումբին եւ բոլոր այն անհատներուն, հաստատութիւններուն եւ հովանաւորներուն, որոնք նիւթապէս եւ բարոյապէս նեցուկ կը կանգնին մասնաճիւղին վերելքին ու բարգաւաճման:

Ապա, տեղի ունեցաւ օրուան անակրնկալը: Մասնաճիւղին ատենապետը, դիւա-

նի անդամներ՝ քոյրեր Դանիա Թաշճեանի եւ Անի Հինտոյեանի ընկերակցութեամբ, բեմ հրաւիրեց վաստակաշատ Հ.Մ.Ը.Մ.ական եղբ. Սամուէլ Մկրտիչեանը, ներկայացուց Հ.Մ.Ը.Մ.ականի անոր հարուստ կեանքը, ընդգծեց միութենական անբասիր ոգին եւ կեցուածքը, ըսելով՝ «Հ.Մ.Ը.Մ.ի տարեց սերունդի ջանակիրներէն է եղբ. Սամուէլ Մկրտիչեանը, որ հոգիով միշտ երիտասարդ կը մնայ: Ան միշտ մտանոգ է ապագայ մեր սերունդներով, որոնց դաստիարակութեամբ յաճախ կը զբաղի եւ կը քաջալերէ զանոնք, որպէսզի ըլլան հաւատաւոր Հ.Մ.Ը.Մ.ականներ եւ հայ ազգին խոնարհ ծառաներ»:


Այնուհետեւ, վարչութեան անունով եղբ. ատենապետը եղբ. Սամուէլ Մկրտիչեանին յանձնեց յուշանուէր մը, առ ի գնահատանք մասնաճիւղէն ներս երիտասարդութիւնը ոգեւորելու օգտաշատ աշխատանքին ու նուիրումին համար:

Անակնկալի եկած, մեծարեալ եղբայրը ընդունելէ ետք յուշանուէրը, Հ.Մ.Ը.Մ.ականի գիտակից հաստատակամութեամբ արտասանեց մէկ նախադասութիւն. «Հ.Մ.Ը.Մ.ական ծնած եմ եւ Հ.Մ.Ը.Մ.ական պիտի մեռնիմ»:

Ներկաները յոտնկայս եւ երկարաշունչ ծափողոյններով ընդունեցին եղբ. Մկրտիչեանի գնահատանքը, որուն արժանի է ան, իբրեւ միութենական 73 տարուան վաստակ ունեցող եղբայր, նախկին Ֆութպոլիստ, իրաւարար, վարչական, հրապարակագիր եւ Հ.Մ.Ը.Մ.Ի նուիրուած աւելի քան 200 յօդուածներու հեղինակ:

Առաջին անակնկալին յաջորդեց երկրորդ մը, երբ Լոս Անճելլոսի քաղաքապետութեան ներկայացուցիչը գնահատագիրով մը պատուեց եղբ. Մկրտիչեանը՝ Լոս Անճելլոս քաղաքը «ապրելու աւելի լաւ տեղ մը դարձնող» իր հանրանուէր ծառայութիւններուն համար:

Օրուան պատգամը փոխանցեց Շրջա-



Լոս Անճելլոսի քաղաքապետութեան է եղբ. Սամուէլ Մկրտիչեանին ԶՈՅԳԻՈՒԾ ԳՆԱՀԱՏԱԳԻՐԸ:



նային վարչութեան ատենապետ եղբ. Րաֆֆի Իսբէնճեան: Ան շնորհաւորեց մասնաճիւղին տարեդարձը եւ շնորհակալութիւն յայտնեց ներկաներուն, որոնք կը զօրակցին մասնաճիւղին: «Հ.Մ.Ը.Մ.ի Լոս Անճելըսի մասնաճիւղը ծնունդ տալով այլ մասնաճիւղերու՝ շրջանի Հ.Մ.Ը.Մ.ի մայրը դարձած է: Ան Հ.Մ.Ը.Մ.ի Արեւմտեան Միացեալ Նահանգներու սիրտն է եւ վստահ ենք, որ մասնաճիւղը պիտի շարունակէ մնալ միշտ կայտառ ու ոգեւորիչ, բարի օրինակ դառնալով իր շրջապատին», ընդգծեց եղբայրը:

Երեկոյին պաշտօնական յայտագիրը վերջ գտաւ Նարեկ Ա. Քհնյ. Փէշիվանեանի հայրական օրհնութիւններով եւ սեղաններու օրհնութեամբ:

Ընթրիքէն ետք, ներկաները ժողովրդային երգերով պարի հանեց հիւր երգիչ Անթուան Պէզճեան, որմէ ետք բեմը յանձնուեցաւ ազգային-յեղափոխական երգերու մեկնաբան Գառնիկ Սարգիսեանին եւ իր «Քնար» նուագախումբին, որոնք անկարագրելի ուրախ մթնոլորտ մը ստեղծեցին սրահէն ներս: Ծանօթ երգիչին շուրջ համախմբուած երիտասարդ-երիտասարդուհիները մեծ ոգեւորութեամբ ընկերակցեցան բոլոր երգերուն: Անոնք խանդավառութեամբ երգեցին Պանք Օթոմանի, Խանասորի արշաւանքին, Կիկոյին, Ռուբէնին, Գէորգ Զաւուչին, Թեհմինեանին, Աբոյին, Արաբոյին, Թաթուլ Կրպէյեանին, Լիզպոնի Հինգին, Աղբիւր Սերոբին, Պետրոս Սէրէմճեանին, հին ու նոր ֆետայիներու եւ պատմական կարեւոր դրուագներու նուիրուած երգերը, իւրաքանչիւրին պատմականը դրոշմելով իրենց էութեան մէջ: Երեկոն վերածուեցաւ երգահանդէսի եւ իւրաքանչիւր երգ եղաւ մեր պատմութիւնը յաւերժացնող դաստիարակչական դասընթացք մը:

Մթնոլորտէն խանդավառուած՝ եղան սրտաբուխ նուիրատուութիւններ: Ուրախ մթնոլորտը շարունակուեցաւ մինչեւ առաւօտեան փոքր ժամերը: Ներկաները ազգային շունչով կազդուրուած՝ մեկնեցան տուն, իրենց հետ տանելով մեր պատմութեան հարուստ անցեալը:



**Sarkis
or
Paul**

SASSOUNIAN INC.

Tools - Supplies - Machines

Complete Line Of Jewelry Supply

716 S. Olive Street
Los Angeles, CA 90014

Tel: (213) 627-1220
(213) 627-1206
Outside Ca: 1-800-544-4419
Fax: (213) 623-6981

www.sassouniantools.com E-mail: info@sassouniantools.com



«ՀԱՅ ՍԿԱՌՏԻ ՕՐ»ՈՒԱՆ ՏՕՆԱԿԱՏԱՐՈՒԹԻՒՆ՝ ԳԱՄԻՇԼԻԻ...

Թղթակից ԳԱՄԻՇԼԻ

5 Մարտ 2006ին, Հ.Մ.-Ը.Մ-ի Գամիշլիի մասնաճիւղին Սկառու. ինտերնալին նախաձեռնութեամբ, խմբապետական եւ աստիճանաւորական կազմերուն ջանքերով, շրջանի «Կիւլպէնկեան» սրահին մէջ նշուեցաւ «Հայ Սկառուտի Օրը»:

Տօնակատարութեան ներկայ գտնուեցան Գամիշլիի Առաջնորդական Փոխանորդ Մասիս Վրդ. Զոպուեան, Յակոբ Քհնյ. Մելքոնեան, Հ.Մ.Ը.Մ-ի Սուրբոյ Շրջանային Սկառուտ. Խորհուրդի ատենապետ եղբ. Մանուկ Քէօշկէրեան, Շրջանային ըՍկառուտ. Խորհուրդի ներկայացուցիչ եղբ. Արմէն Քէօշկէրեան, Շրջանային Խմբապետ եղբ. Լեւոն Իսկէնտէրեան, երէց Հ.Մ.Ը.Մ-ականներ, ազգային պատկան մարմիններու ներկայացուցիչներ եւ համակիրներու հոծ բազմութիւն մը:



Հ.Մ.Ը.Մ-ի Սուրբոյ Շրջանային Սկառուտ. Խորհուրդի ատենապետ եղբ. Մանուկ Քէօշկէրեան կը փոխանցէ օրուան պատգամը:

Տօնակատարութիւնը բացուած յայտարարուեցաւ մէկ վայրկեան յոտնկայս լուովեամբ՝ յարգելու համար յիշատակը մահացած Հ.Մ.Ը.Մ-ականներու: Ապա, շեփորախումբը նուագեց Սուրբոյ, Հայաստանի քայլերգները: Բացման խօսքը արտասանեց Սկառուտ. Խորհուրդի ատենապետ եղբ. Գէորգ Պալեան:

Ան անդրադարձաւ Հ.Մ.Ը.Մ-ի նշանաբանին, որ իր մէջ խտացուցած է հայ մարդու կեանքին իմաստը, նաեւ՝ նորահաս սկառուտին մարմնակրթութիւնը, ազգային դաստիարակութիւնը, մարդկային արժէքներու փոխանցումը եւ բարոյական չափանիշներու շեշտումը:

Բացման խօսքէն ետք, խումբ մը արի-արեւոյշներ ներկայացուցին բուրգեր: Այնուհետեւ, քոյր եւա Մանուկեան մեներգեց «Հայոց մայրեր» երգը, երգեհոնի ընկերակցութեամբ՝ եղբ. Քրիստ



Սկառուտական երգչախումբը ելոյթի պահուն:



Միջայլելեանի: Դադարի ընթացքին, Սկսուտ. Խորհուրդի ատենադպրուհի քոյր Մարայ Կէնճոյեան կարգաց Շրջանային Սկսուտ. Խորհուրդին այս առիթով յղած շնորհակարգիրը:

Օրուան պատգամը փոխանցեց Հ.Մ.Ը.Մ-ի Սուրբոյ Շրջանային Սկսուտ. Խորհուրդի ատենապետ եղբ. Մանուկ Քէօշ-կէրեան: Եղբայրը ողջունեց մասնաճիւղին վարչութիւնը, ազգային պատկան մարմիններու ներկայացուցիչներն ու համակիրները: Ան իր պատգամին մէջ յայտնեց, թէ «Հայ Սկսուտի Օր»ը սկսուտական կեանքին եւ գործին մէջ կարեւոր իրադարձութիւն մըն է: Հ.Մ.Ը.Մ-ի պատասխանատուները յարմար նկատած են զայն նշել Վարդանանց տօնին հետ, որովհետեւ Վարդանանքը եւ Հ.Մ.Ը.Մ-ը մեր կեանքին մէջ կը ներկայանան իբրեւ ազգային արժէքներ:

Եղբայրը նշեց, որ 1918էն ետք Հայկական բանակին տեղը ստանձնեց Հ.Մ.Ը.Մ-ը, որ ուխտեց նուիրուիլ, գոհուիլ եւ պայքարիլ Հայ ժողովուրդի ազատութեան եւ յաւերժութեան համար: «Մենք ձեր մէջ կը տեսնենք հայ ժողովուրդին բանակը, որ ի գիւն ամէն գոհադուրեան պատրաստ է յառաջանալու եւ միշտ պատնէշի վրայ մնալու», շեշտեց ան, աւելցնելով, որ այս ուխտը սակայն պէտք է նուիրագործուի գործով, կեանքով եւ օրինակով:

Օրուան պատգամէն ետք, խումբ մը արի-արեւոյշներ ներկայացուցին զաւելչտ մը:

Գեղարուեստական յայտագիրով, եղբ. Աւօ Յովսէփեան

ասմունքեց Յովհաննէս Շիրազի «Հայ ժողովուրդի երգը»: Ապա, սկսուտական երգչախումբը հանդէս եկաւ ազգային եւ յեղափոխական շարք մը երգերով:

Տօնակատարութեան աւարտին բեմ հրաւիրուեցաւ եղբ. Կապի Տիգրիճեան՝ փոխ խմբապետի աստիճանատուութիւնը կատարելու եղբ. Կարէն Ղազարեանին: Ապա, խմբապետը բեմ հրաւիրեց Շրջանային Սկսուտ. Խորհուրդի ատենապետն ու Շրջանային Խմբապետը կատարելու երգման արարողութիւն եւ աստիճանատուութիւն: Բեմ հրաւիրուեցաւ նաեւ Առաջնորդական Փոխանորդը:

Եղբ. Կապի Տիգրիճեան կատարեց սկսուտական խոստումը եւ երգուեց հաւատարիմ մնալ Հ.Մ.Ը.Մ-ի ծրագիր-կանոնագիրին՝ ծառայելու ազգին ու հայրենիքին եւ պայքարելու այլասերման ու ապագայնացման դէմ:

Երգուեալ եղբայրը արժանացաւ կանաչ փողկապի:

Շրջանային խմբապետը այս առիթով շնորհաւորեց մասնաճիւղին Սկսուտ. Խորհուրդը, խմբապետական եւ աստիճանակարական կազմերը, անոնց մաղթելով աննկուն կամք եւ լաւագոյնին ձգտելու ոգի:

Հոսկ, խօսք առաւ Առաջնորդական Փոխանորդ Մասիս Վրդ. Զոպուեան, որ կոչ ուղղեց ամուր կառչած մնալու Հ.Մ.Ը.Մ-ի սկսուտական գաղափարներուն:

Տօնակատարութիւնը փակուեցաւ «Յառաջ նահատակ» քայլերգով եւ «Պահպանիչ»ով:

TOGETHER WE ARE STRONGER
ՄԻԱՍԻՆ ԱԻԵԼԻ ԶՕՐԱԴՈՐ ԵՆՔ

ԱՖՀԻԼ AFHIL
Armenian Mutual Fund
 Tel. / Fax: 01 242556 - 242557

...ՔԵՍԱՊԻ

Դալար Թուֆիկեան ՔԵՍԱՊ

ՆՄ.Ը.Մ-ի մեծ ընտանիքի բոլոր մասնաճիւղերուն նման, Քեսապի մասնաճիւղը եւս իր արժանի յարգանքը մատուցեց Հայ սկսողներին, երբ 5 Մարտ 2006ին կազմակերպեց «Հայ Սկսողի Օր»-ուան սոնակատարութիւն, շրջանի «Սարգարայատ» սրահին մէջ: Տօնակատարութեան ներկայ եղան Հ.Մ.Ը.Մ-ի Շրջանային Սկսող. Խորհուրդէն անդամներ եւ քեսապահայ հոծ բազմութիւն մը:

Ձեռնարկին բացման խօսքը արտասանեց մասնաճիւղի խմբապետուհի քոյր Դալար Թուֆիկեան: Ան Հ.Մ.Ը.Մ-ի էութեան եւ նպատակին անդրադառնալով ըսաւ. «Հարկ է յիշել եւ յիշատակը անթառամ պահել այն հիմնադիր եղբայրներուն, որոնք հայ կեանքի ամէնէն դժուար օրերուն հաւաքած ու դաստիարակած են երիտասարդ սերունդը՝ վառ պահելու համար կեանքը Հ.Մ.Ը.Մ-ի մեծ ընտանիքէն ներս»:

Տօնակատարութեան ընթացքին գործադրուեցաւ գեղարուեստական կոկիկ յայտագիր: Սկսողները հանդէս եկան երգով, ասմունքով եւ պարով:

Գեղարուեստական յայտագիրին սկիզբը նուիրուած էր



Փետրուարեան ապստամբութեան 85ամեակին: Սկսողները կենդանի պատկերով մը ներկայացուցին ապստամբութիւնը, որմէ ետք տեղի ունեցաւ չափական մարզանք, ասմունք եւ հայկական պար: Յայտագիրի աւարտին, խումբ մը քաջասիրտ արիներ ներկայացուցին բուրգեր:

Տօնակատարութեան աւարտին տեղի ունեցաւ նորագիրի վկայականաց բաշխում: Ապա, խումբ մը քոյրեր եւ եղբայրներ ստացան Վարիչ Առաջնորդի աստիճան: Քոյր Դալար Թուֆիկեան ստացաւ խմբապետի աստիճան:

Սուրբոյ Շրջանային Սկսող. Խորհուրդին խօսքը փոխանցեց քոյր Լիզա Լալէյեան: Ան իր խօսքին մէջ նշեց Հ.Մ.Ը.Մ-ի կարեւորութիւնը եւ սկսողական շարքերու անհրաժեշտութիւնը՝ հայապահպանման գործին մէջ:

Տօնակատարութեան փակման խօսքը կատարեց եղիշէ Քհնյ. Սարգսիսեան: Ան ըսաւ. «Մեր օրերուն անհարգատ սովորութիւններով եւ մշակոյթներով շրջապատուած եւ անոնց ազդեցութեան սպառնալիքին դէմ կանգնողը եւ հայութեան հարազատ դիմագիծին պաշտպանը Հ.Մ.Ը.Մ.ն է: Հ.Մ.Ը.Մ-ի մէջ է որ մեր զաւակները կը թրծուին ազգային շունչով եւ ոգիով»:

Տօնակատարութիւնը փակուեցաւ «Պահպանիչ»ով:





... ԵՒ ՏԵՐ ԶՕՐԻ ՄԵՉ

Արմեն Քէօզկէրեան ՏԵՐ ԶՕՐ

1 7 Մարտ 2006ին, Տէր Զօրի Ս. Նահատակաց եկեղեցւոյ ներքնասրահին մէջ պաշտօնապէս նշուեցաւ «Հայ Սկստուի Օր»ը, ներկայութեամբ Հայկազ Քհնյ. Մասոյեանի, Հ.Մ.Ը.Մ-ի Սուրբոյ Շրջանային Վարչութեան ատենապետ եղբ. Պօղոս Պալէոզեանի, Սուրբոյ Շրջանային Սկստու. Խորհուրդի ատենապետ եղբ. Մանուկ Քէօզկէրեանի, Շրջանային Սկստու. Խորհուրդի ան-

ԻՐԱԿԱՆՈՒԹԻՒՆ ԳԱՐՉԱԾ ԵՐԱՉԸ. ՏԵՐ ԶՕՐԻ ՄԿԱՌՈՒՏԱԿԱՆ ԿՈՐԻՉԸ

Հ.Մ.Ը.Մ-ի Տէր Զօրի սկստական կորիչը ունի աւելի քան մէկ տարուան պատմութիւն: Սուրբոյ Շրջանային Վարչութեան հովանաւորութեամբ եւ Շրջանային Սկստու. Խորհուրդին կազմակերպութեամբ, Փետրուար 2005էն ի վեր, 15 օրը անգամ մը Հայկէպէն Տէր Զօր կը գործուի ին երկու խմբակներ՝ եղբայրներ Աբիկ Խաչոյեան եւ Մանօ Սրլախեան, որոնք կազմակերպական աշխատանք կը կատարեն տեղւոյն 25-30 գալիկ-արծուիկներուն եւ արի-արենոյնէրուն հետ:

Կորիչին պատասխանատուն է շրջանէն քոյր Լիզա Վարդանեան, օգնական ունենալով եղբայր Յակոբ Մուրաֆեանը, քոյրեր Անժելա Վարդանեանն ու Ալին Մուրաֆեանը: Կորիչին անդամները իրենց աշխատանքները կը կատարեն Տէր Զօրի Ս. Նահատակաց եկեղեցւոյ մէջ, ուր կը սորվին կակուղ թաթիկի եւ նորագիրի գիտելիքներ, ազգային երգեր եւ կանչեր: Անոնք պարբերաբար Հայկէպէն կը ստանան երգարաններ, զանազան առիթներով պատրաստուած աթիքներ եւ «Մարզիկ» ամսաթերթի 10 օրինակ:

Կորիչին անդամները յաճախ կ'այցելեն եկեղեցի եւ կ'ունկնդրեն քահանայ հօր քարոզը: Անոնք կը կատարեն պտոյտներ, դաշտային խաղեր, նախաձաշ եւ հաւաքոյթ՝ Բարեկենդանի ու Նոր Տարուան առիթով:

Կորիչը կը վայելէ Ս. Նահատակաց եկեղեցւոյ թաղականութեան նիւթաբարոյական օժանդակութիւնը:



Հ.Մ.Ը.Մ-ի Տէր Զօրի սկստական կորիչի անդամներ:

դամ եղբ. Արմեն Քէօզկէրեանի եւ 80 Հայրերներու:

Հանդիսութեան բացումը կատարուեցաւ զոյգ քայերգներով: Բացման խօսքով Հանդէս եկաւ եղբ. Աբիկ Խաչոյեան, որ բեմ հրաւիրեց քոյր Լիզա Վարդանեանը՝ ներկայացնելու Տէր Զօրի սկստական կորիչին տարեկան տեղեկագիրը:

Տեղեկագիրին մէջ ուրախութեամբ կը յիշուէր 2005ի Ապրիլ 24ին, տեղւոյն գալիկ-արծուիկներուն ընդունելութիւնը՝ Արամ Ա. Վեհափառին, Բերիոյ Թեմի Առաջնորդ Շահան Եպս. Սարգիսեանին եւ Ազգային իշխանութեան անդամներուն: Կը յիշուէր նաեւ, որ 2 Նոյեմբեր 2005ին, տեղւոյն սկստները ընդունած են Հ.Մ.Ը.Մ-ի Կեդրոնական Վարչութեան պատուիրակութիւնը, Լիբանանի, Յորդանանի, Պաղտատի, Մուսուլի եւ Քուէյթի մասնաճիւղերու ներկայացուցիչները եւ Սուրբոյ Շրջանային Վարչութիւնը՝ Հ.Մ.Ը.Մ-ի կողմէ Եղեռնի 90ամեակին նուիրուած յուշաքարին գետեղման առթիւ:

Տեղեկագիրի ներկայացումէն ետք կիրարկուեցաւ գեղարվեստական յայտագիր: Յաջորդեց խոստման արարողութիւն: Քոյր Լիզա Վարդանեան Նորագիրի եւ Նորընծայի վկայական-



ներ յանձնեց: Երեք քույրեր եւ եղբայր մը Փոխ Առաջնորդի ատիճան ստացան:

Շրջանային Սկաուտ-Խորհուրդի խօսքը փոխանցեց եղբ. Արմէն Քէօզկէրեան: Եղբայրը նախ գնահատեց եւ շնորհաւորեց Տէր Զօրի նորակազմ թաղական խորհուրդն ու ծնողները եւ թելադրեց, որ անոնք կառչած մնան հայ ժողովուրդի բարոյական արժէքներուն, տէր կանգնին եկեղեցւոյ ու ազգին, յիշեցնելով, որ մեծ է իրենց վստահած նուիրական գործը, որովհետեւ աշխարհի չորս ծագերէն բազմահարիւր հայեր կ'այցելեն Ս. Նահատակաց եկեղեցի եւ կ'արժանանան ջերմ ընդունելութեան:

«Հայ Սկաուտի Օր»-ուան տօնակատարութիւնը բոլորին համար ցնծութեան օր մը եղաւ, հայրենասիրութեան ոգին աւելի եւս ամրացաւ սկաուտներուն մէջ, զգալի աշխուժութիւն բերելով շրջանին, յայտնեց եղբ. Քէօզկէրեան: Իր խօսքին աւարտին, եղբայրը բեմ հրաւիրեց Սուրիոյ Շրջանային Սկաուտ-Խորհուրդի ատենապետ եղբ. Մանուկ Քէօզկէրեանը, որպէսզի Հ.Մ.-Ը.Մ.-ի Շուշանածաղիկով գնահատէ եղբայրներ Աբիկ Խաչոյեանը եւ Մանօ Սիւլահեանը՝ իրենց ժրջան աշխատանքին համար:



Հ.Մ.Ը.Մ.ի Սուրիոյ Երջանային Վարչութեան եւ Երջանային Սկաուտ. որհուրդի ներկայացուցիչները Տեր Զօրի քահանայ հօր, թաղականութեան ներկայացուցիչի եւ սկաուտական կորիզի պատասխանատուներուն հետ:

Սյու առթիւ սրտի խօսք ուղղեց Հայկազ Քհնյ. Մասոյեան, ըսելով, որ մեր գործութեան հիմնական պատճառը մէկ սիրտ եւ մէկ բուռնցք ըլլալն է, հոն է մեր յաջողութեան գաղտնիքը՝ եկեղեցին եւ միութիւնը համագործակցաբար եւ խորհրդակցաբար աշխատին ազգին վերելքին համար: Ապա, Քահանայ Հայրը փոխանցեց իր բարեմաղթութիւնը եւ աղօթքը առ Աստուած՝ անսասան պահելու Տէր Զօրի սկաուտական կորիզը եւ հայութիւնը:

Հանդիսութիւնը վերջ գտաւ «Յառաջ նահատակ»ով:

Made from one single slice of natural Australian opal



Classique
OPAL DIAL WATCH

Sarkis Der Bedrossian

Sams Watchmaker Jeweller Pty. Ltd.
123 Clarence Street
Sydney 2000
Australia

Phone: +61 2 9290 2199

fax: +61 2 9262 1630

Website: www.classiquewatches.com

Email: Info@classiquewatches.com



Հ.Մ.Ը.Մ.-ՖՐԱՆՍԻ «ՍԿԱՌՈՒՏԻ ՕՐ»Ը

Սեւան Նապարեան ՓԱՐԻԶ

Կիրակի, 26 Մարտին, Հ.Մ.Ը.Մ.-Ֆրանսի սկսուողական կազմին նախաձեռնութեամբ եւ պատրաստութեամբ, Ռանսիի «Դպրոցասէր» վարժարանին մէջ տեղի ունեցաւ «Սկսուողի Օր»ուան տօնակատարութիւնը:

Ներկայ էին սկսուողական կազմէն 65 սկսուողներ, մասնաճիւղին Սկսուող-Խորհուրդը, վարչականներ եւ աւելի քան 200 ծնողներ, միասնաբար տօնախմբելու տարին անգամ մը տեղի ունեցող «Սկսուողի Օր»ուան հանդիսութիւնը:

Ձեռնարկին յայտագիրը կը բաղկանար հիմնական երկու բաժինէ: Առաջին անգամ սկսուողները ներկայացուցին սկսուողական արարողութիւններ՝ տողանցք եւ աստիճաններու բաշխում: Սկսուողական շեփորախումբը իր կարգին խանդավառեց ձեռնարկը՝ նուագելով քայլերգներ եւ ազգային երգեր: Գեղարուեստական բաժինը կ'ընդգրկէր հայկա-

կան թէ միջազգային երաժշտութեան նուիրուած կտորներու ներկայացում: Անջատաբար, արծուիկներն ու գայլիկները, արենոյճներն ու սկսուողները ելոյթ ունեցան երգերով, արտասանութեամբ, պարով եւ թատերական ներկայացումով:

Վարչութեան անունով խօսք արտասանեց Հ.Մ.Ը.Մ.-Ֆրանսի փոխ-ատենապետ եղբ. Վարանդ Պաղտասարեան: Եղբայրը հիմնականին մէջ շեշտեց հայ սկսուողին տարբերութիւնը այլ փողովուրդներու սկսուողներէն, սրուած ըլլալով որ անոր առաջնահերթութիւնը այլ բան է՝ պահպանել լեզուն եւ մշակոյթը: Հայապահպանումը անմիջական մտահոգութիւն է հայ սկսուողին համար եւ Հ.Մ.Ը.Մ.ը մեծ դեր ունի այս իմաստով՝ սկսուողական թէ մարզական իր ճիւղերով: Ապա, եղբ. Պաղտասարեան անդրադարձաւ Համա-Հ.Մ.Ը.Մ.ական ծրգ բանակումին կարեւորութեան: Բանակումը տեղի պիտի ունենայ Հայաստանի մէջ: Եղբայրը նշեց, թէ իւրաքանչիւր սկսուողի համար անհրաժեշտ է մասնակցիլ նմանօրինակ բանակումի մը, որովհետեւ ան առիթը կ'ընծայէ ծանօթանալու տարբեր ցամաքամասերէ եկած հայ սկսուողներու:

Շար.ը՝ էջ 40



Philippe Photo Trade

- Audio / Video Production / Post Production Systems
- Liner / Non-Liner Editing Systems
- Data / Video Large Screen Projection Systems
- Audio / Video Systems for Professional Application
- Conferencing / Simultaneous Translation Systems
- Language Labs & Conventional Training Aids Systems

EXPERTS IN AUDIO-VISUAL SYSTEMS INTEGRATION AND TOTAL CONTROL APPLICATION

Head Office: 1(a) Mesaha St., Orman Sq., Dokki, Zip Code: 12311 A.R. Egypt.
Tel: 7491350 (8Lines) Fax: 7481069 E-mail: philippe@ritsec2.com.eg

Alex. Branch: 33 Sidi El-Metwally St., El-Attarin / Alexandria
Tel: (03)4916017 Fax: (03)4923051 E-mail: philippe@ritsec2.com.eg

Philippe Photo Trade

Assadourian Bros.

ԵՂԲ. ԿԱՐՊԻՍ ԷՕԼՄԷՍԷՔԵԱՆԻ ՅԻՇԱՏԱԿԻՆ

Սգակիր մը
ԼՈՍ ԱՆՃԵԼԸՍ

Ինը ամիսը ժամանակի իմաստով երկար տեւողութիւն չէ, սակայն անվերադարձ բաժանումի պարագային իսկապէս ծանր է ու երկար: Դիւրին չէ ինը ամսուան մէջ հաշտուիլ կորուստին հետ մարդու մը, որ աւելի քան 50 տարի գործօն մասնակցութիւն ունեցած է միութեան աշխատանքներուն, հոգևով, սրտով, նիւթապէս, բարոյապէս եւ գաւակներով:

Ինը ամիսէ չկայ եղբ. Կարպիս Էօլմէսէքեանը, երբեմնի ֆուլթայոլիստը, վարչականը, մասնաճիւղի հիմնադիրն ու «Տիպար Հ.Մ.Ը.Մ.ական»ը, որուն կորուստը մեծ եղաւ Հ.Մ.Ը.Մ.ի Արեւմտեան Միացեալ Նահանգներու շրջանին համար:

Եղբ. Կարպիս Էօլմէսէքեան ծնած էր 1929ին, Պէյրութ, ազգասէր եւ համեստ ընտանեկան յարկի մը տակ: Մէկ տարեկանին կը կորսնցնէ հայրը եւ կը ճաշակէ որբութեան դառնութիւնները: Ան կեանքի դժուարութիւնները յաղթահարելու կամբը կը ժառանգէ մօրմէն, որ փոքր տարիքէն գայն կը յանձնէ Հ.Մ.Ը.Մ.ի հոգածութեան:



2001. եղբ. Կարպիս Համա-Հ.Մ.Ը.Մ.ական 6րդ մարզախաղերուն Պէյրութ, վեթերան ֆութպոլիստներու տարազով նկարուած՝ Հ.Մ.Ը.Մ.ի Կեդրոնական Վարչութեան օրուան ատենապետ եղբ. Բիւզանդ Թորիկեանի հետ:

Եղբ. Կարպիս նախնական ուսումը կը ստանայ Էշրէֆիէի Սէն Կրէկուար վարժարանը, ապա կը յաճախէ Համազգայինի Նշան Փայանճեան ճեմարան: Այնուհետեւ կը նետուի կեանքի ասպարէզ, տիրապետելով ֆրանսերէն լեզուի: Սկզբնական շրջանին, քանի մը հաստատութիւններու մէջ իբրեւ պաշտօնեայ աշխատելէ ետք, 1953ին կ'որոշէ զբաղիլ ժամագործութեամբ, որ այդ տարիներուն հազարավար մասնագիտութիւն մըն էր: Անմիջապէս կը մեկնի Զուիցերիա եւ որոշումը կ'իրականացնէ «Ջէնիթ» ընկերութեան մէջ, ուր վկայուելէ ետք կը վերադառնայ ծննդավայր: Զուիցերիոյ մէջ, ֆուլթայոլի տեղական խումբի մը հետ կը մասնակցի ֆուլթայոլի կարեւոր մրցումներու:

Շուտով, «Ջէնիթ» ընկերութեան պատասխանատուները նկատելով եղբոր հմտութիւնը, գինք կը հրաւիրեն

Զուիցերիա, նոյն ընկերութեան ընդհանուր պատասխանատուի պաշտօնը վստահելով իրեն: Նոյն շրջանին, ան ֆրանսերէնի թարգմանիչը կ'ըլլայ Քաթարի իշխանուհիին:

1962ին, վերջնականապէս Լիբանան վերադառնալով, եղբ. Կարպիս ժամացոյցի իր անձնական աշխատանոց-վաճառատունը կը բանայ, միաժամանակ շարունակելով մարզական իր գործունէութիւնը Հ.Մ.Ը.Մ.ի շարքերէն ներս:

1964ին, կը ծանօթանայ եւ ընտանեկան բոյն կը կազմէ Զարուհի Կարպուշեանի հետ, որ իբրեւ արեւոյշ պատասխանատու Հայկէն Պէյրութ ժամանած էր, Հ.Մ.Ը.Մ.ի համագումարի մը մասնակցելու համար: Էօլմէսէքեան զոյգը կը բախտաւորուի չորս գաւակներով՝ Մարալ, Աւօ, Շահէ եւ Վահէ, որոնք իրենց ծնողներուն նման Հ.Մ.Ը.Մ.ականի ազգային գիտակցութեամբ կը մեծնան եւ մինչեւ օրս կը շարունակեն իրենց միութեանական պարտականութիւնները, պատասխանատու զանազան պաշտօններ ստանձնելով միութեանէն ներս:

Փոքր տարիքէն, եղբ. Կարպիս կ'ըլլայ ֆուլթայոլի սիրահար մը եւ մարզական իր նախաքայլերը կ'առնէ ֆուլթայոլի թա-



1999. եղբ. Կարպիս (աջէն առաջինը) Հ.Մ.Ը.Մ.ի 7րդ Պատգամաւորական Ժողովին, Ատմա, Լիբանան:

ղային խումբերու մէջ: Աթո Աշճեանի, Գրիգոր Գալստեանի («Սիկար Գօգօ») եւ Ֆուլթայոլասէր այլ ընկերներու հետ կը հիմնէ Պէյրուլթի Հ.Յ.Դ. «Բաբգէն Սիւնի» Պատանեկան Միութեան Ֆուլթայոլի խումբը: Դպրոցական տարիներուն ան մաս կը կազմէ ձեմարանի Ֆուլթայոլի խումբին եւ իր լաւ խաղարկութեամբ կը շահի մեծ ժողովրդականութիւն: 1946ին, ծանօթ Հ.Մ.Ը.Մ.ական եղբ. Յովհաննէս Տէր Յարութիւնեանի քաջալերանքով ան կ'անդամակցի Հ.Մ.Ը.Մ.ի Պուրճ Համուտի մասնաճիւղին, իբրեւ Ֆուլթայոլի մարզիկ: Նոյն տարին, մասնաճիւղի Ֆուլթայոլի երկրորդական խումբին հետ կը մասնակցի Հալէպի միջ-մասնաճիւղային մրցումներուն:

ձեմարանի մարզանքի ուսուցիչը՝ եղբ. Եղիշէ Մանուկեան, տեսնելով խոստմնալից Ֆուլթայոլիստի իր շնորհը, յատուկ ուշադրութեամբ կը մարզէ գինք եւ ան իր սպասարկութեամբ կը դառնայ Հ.Մ.Ը.Մ.ի Պուրճ Հա-



Մեծի Տանն Կիլիկիոյ Արամ Ա. Կաթողիկոսին Աջախամբոյրի պահուն, 1999, Հ.Մ.Ը.Մ.ի 7րդ Պատգամաւորական Ժողովէն ետք:

տասխանատու պաշտօններ: Երկար տարիներ կ'ըլլայ վարչութեան քարտուղար եւ ապա՝ ատենապետ:

մուտի մասնաճիւղի Ֆուլթայոլի Ա. խումբի փայլուն յետսպահանքէն եւ իր կարեւոր բաժինը կը բերէ խումբին յաղթանակներուն, յատկապէս 1947ին՝ Լեռնալիբանանի Ֆուլթայոլի ախոյեանութեան նուաճման մէջ: Շրջան մը եղբ. Կարպիս կը ստանձնէ Պուրճ Համուտի Ֆուլթայոլի Բ. խումբի մարզիչի պատասխանատուութիւնը:

Առաջին անգամ ան վարչական կ'ընտրուի 1955ին, սակայն, հակառակ քարտուղարի իր պատասխանատուութեան, կը շարունակէ մարզիչի եւ մարզիչի իր պատասխանատուութիւնները:

Հիբանանի քաղաքացիական պատերազմին սկիզբը, 1976ին, եղբ. Կարպիս կը փոխադրուի Գանատա, ուր կարճ ատեն մը մնալէ ետք, աշխատանքի բերումով կ'անցնի Մ. Նահանգներ եւ կը հաստատուի Սան Ֆրանսիսքօ: 1977ին կը միանայ Հ.Մ.Ը.Մ.ի տեղւոյն մասնաճիւղին եւ կը ստանձնէ պատասխանատու պաշտօններ: Երկար տարիներ կ'ըլլայ վարչութեան քարտուղար եւ ապա՝ ատենապետ:

The Champs Élysées just steps away and the Parc Monceau nearby

HOTEL

★ ★ ★

PAVILLON MONCEAU

PARIS

Full of charme,
Tastefully decorated 36 rooms and 6 suites with individual heating/air conditioning, direct access telephone line, internet connection, minibar, safety box and satellite TV. Private bathroom with hairdryer.
The suites can accommodate 3 adults or a family with parents and 2 children.

43 rue Jouffroy d'Abbans 75017 Paris
Tel 331 56 79 25 00 - Fax 331 42 12 99 38
infos@pavillon-monceau.com
www.pavillon-monceau.com

1989ին, եղբ. Կարպիս վերջնականապես կը հաստատուի Կլենտէյլ եւ իրեն ծանօթ աշխատասիրութեամբ ու հետեւողականութեամբ բարեկեցիկ կեանք մը կ'ապահովէ ընտանիքին, միութենական իր գործունէութիւնը շարունակելով յատկապէս Հ.Մ.Ը.Մ.էն ներս: Եղբայրը նկատելով օր ըստ օրէ Գրեսէնթա հովիտի մէջ բազմացող հայութիւնը, քանի մը եղբայրներով, Շրջանային Վարչութեան հետ համախորհուրդ, 1993ին կը հիմնէ Հ.Մ.Ը.Մ.ի «Շանթ» մասնաճիւղը, դառնալով անոր առաջին ատենապետը:

Իբրեւ Ֆութպոլի նախկին մարզիկ, ան նախաձեռնողներէն մէկը կ'ըլլայ Հ.Մ.Ը.Մ.ի Լիբանանի ֆութպոլի վեթերաններու խումբին եւ միշտ դուռը բաց կը մնայ բոլոր տեսակի օգտակար աշխատանքներու:

Հ.Մ.Ը.Մ.ին իր անսակարկ նուիրաբերումին համար, եղբ. Կարպիս բազմիցս կ'արժանանայ յուշանուէրներու: 1998ին, միութեան 80ամեակին առիթով, ան կը պարգեւատրուի «Մառաշուտեան» շքանշանով, իսկ տարի մը ետք՝ Շրջանային Վարչութիւնը բարձր գնահատելով եղբոր Հ.Մ.Ը.Մ.ականի գործունէութիւնը, անոր կը շնորհէ «Տիպար Հ.Մ.Ը.Մ.ական»ի տիտղոսը: Նոյն տարին, ան Հ.Մ.Ը.Մ.ի Կեդրոնական Վարչութեան կողմէ կը հրաւիրուի միութեան Դրդ Պատգամաւորական Ժողովին, Ատմա, Լիբանան:

Եղբ. Կարպիսին համար միութենական ըլլալը համեստութիւն, նուիրում եւ աշխատասիրութիւն էր: Այս սկզբունքով

ալ պաշտօնները երբեք չչլացուցին զինք: Ան միշտ օգնութեան ձեռք երկարեց ուր որ հարկ զգաց: Ան հաւատարիմ զօրակցողներէն մէկն էր «Մարգիկ» ամսաթերթին, որուն իր նիւթական եւ բարոյական զօրակցութիւնը երբեք չզլացաւ:

Եղբ. Կարպիս կը հաւատար, որ «Հ.Մ.Ը.Մ.ի ստեղծումը ինքնին ազգային մեծ գործունէութիւն է: Հ.Մ.Ը.Մ.ը երիտասարդութիւնը հայ պահող ամէնէն ուժեղ կազմակերպութիւնն է, տունէն, դպրոցէն եւ ուրիշ որեւէ բանէ աւելի»:

Ան խորապէս կը հաւատար Հ.Մ.Ը.Մ.ի առաքելութեան, իսկ անոր անդամակցութիւնը կը նկատէր «ազգային պարտականութիւն»:

Հողը թեթեւ գայ վրադ, եղբ. Կարպիս: Սերունդները երախտապարտութեամբ պիտի յիշեն քեզ:

ՄՏԱՅԱՆՔ
ՅՈՒՇԱՄԱՏԵԱՆ
ԱՐԱՐԱՏ ՔՐԻՍՏԵԱՆ
ՄԱՀՈՒԱՆ 40ԱՄԵԱԿ
 Պատրաստեց՝ տոքթ. Ծաւարշ Ա. Քրիսեան,
 Լոս Անճելըս, 2005:

FREDDY KARAGEUZIAN
"ONNIG OF CAIRO"
 Egyptian Museum
 Tahrir Square - Cairo



Tel: 7730065 Fax: 5081613 E-mail: freddy@gega.net



ՄԱՏԱՆԻՆ

ՀԵՔԻԱԹ

Այս հեքիաքին առաջին մասով տեսանք, թե ինչպե՛ս պառաւ մը կար, որ ունէր մէկ հատիկ գաւակ:

Պառաւին տղան, հեքիաքին առաջին մասին մեջ, անտառի տղոց ձեռքէն ազատեց կատու մը, շուն մը եւ օճ մը: Եւ երբ տղան ու երեք բարեկամները նստած էին աղբիւրի մը շուրջ, հաց ուտելու, հեքիաքը ընդհատուեցաւ հո՛ն, ուր օճը յանկարծ... տղու վերածուեցաւ:

Հեքիաքը կը շարունակուի:



Սալբի Լատոյեան ՊԷՅՐՈՒԹ

Տղու վերածուած օճը պառաւին տղուն եւ երեք բարեկամներուն կը պատմէ իր պատմութիւնը, թէ ինք թագաւորի տղայ է, բայց կախարդները գայն վերածած են օճի:

Տղան կ'երթայ եւ թագաւորին կը պատմէ պատահածը:

Թագաւորը երկու պալատականներ կը դրկէ, որպէսզի պառաւը եւ տղան բերեն իր քով:

Պալատականները տղուն կ'ըսեն, թէ թագաւորը պատրաստ է ուզածդ նուիրելու: Անոնք կ'ըսեն նաեւ, որ թագաւորը ունի ակով մատանի մը, որ կախարդական յատկութիւններ ունի. երբ վրայի ակը շփես եւ խնդրանք մը ուզես՝ կը կատարուի: Կրնաս այդ մատանին խնդրել, կ'աւելցնեն անոնք:

Տղան կը հասնի թագաւորին պալատը: Թագաւորը շատ լաւ կ'ընդունի գայն եւ մայրը ու կ'ըսէ.՝

- Տղա՛ս, ի՞նչ որ կ'ուզես պատրաստ եմ քեզի նուիրելու:

Տղան կ'ըսէ.

- Ակով մատանիդ կ'ուզեմ:

Թագաւորը երկար մտածելէ ետք կը պատասխանէ.

- Լա՛ւ, քանի

խոստացայ ուզածդ նուիրել եւ դուն տղուս կեանքը ազատեցիր, քեզի կու տամ ակով մատանիս:

Պառաւը եւ տղան ուրախ կը վերադառնան իրենց տունը: Ճամբան, պառաւը տղուն կ'ըսէ.

- Տղաս, ինչո՞ւ թագաւորին աղջկան ձեռքը չենք խնդրեր:

Տղան համաձայն կը գտնուի պառաւին առաջարկին եւ պառաւը կ'երթայ թագաւորէն կը խնդրէ աղջկան ձեռքը:

Թագաւորը կը ներկայացնէ շատ մը պահանջներ, ինչպէս՝ սպիտակ ձիեր, պալատ, պահակներ, ծառաներ եւ այլն: Եւ կ'ըսէ, երբ բոլոր ուզածներս իրականացնես, այն ատեն աղջիկս քեզի հարս կու տամ:

Պառաւը յուսահատ կ'երթայ տուն եւ տղուն կը պատմէ թագաւորին պահանջները: Տղան կը յիշէ, թէ ունի կախարդական մատանի մը: Մատանին կը դնէ մատը, կը շփէ ակը եւ կը խնդրէ թագաւորին պահանջները. քանի մը վայրկեան վերջ ան ինքզինք կը գտնէ գեղեցիկ պալատի մը մէջ, պահակներով եւ ծառաներով շքեղ պատուած: Կը նստի ճերմակ ձիին, կ'երթայ թագաւորին քով եւ կը խնդրէ աղջկան ձեռքը, թագաւորը զարմացած, բայց ուրախութեամբ իր աղջիկը հարս կու տայ մեր սիրելի հերոսին:

Այսպէս, սիրելի ընթերցողներ, կարելի է օրինակ առնել մեր հերոսէն: Ան որ բարիք կը գործէ եւ օգտակար կը դառնայ ուրիշին, անպայման որ կը վարձատրուի:



ՀՆԱԳԻՏՈՒԹԻՒՆ



Հնագէտը կը պրպտէ հին քաղաքակրթութիւններու հետքերը, կը վերլուծէ զանոնք, տեղեկութիւններ կը հաւաքէ եւ մեր ընկերութեան կը բացատրէ անցեալի քաղաքացիներուն ապրած կեանքը, պայմանները եւ սովորութիւնները:

Հնագէտը կը բանաձեւէ կարծիքներ եւ զանոնք կը ստուգէ գեանի վրայ: Ան կը ճշդէ հնութիւններու թուականները եւ անոնց ո՞ր ժողովուրդին կամ քաղաքակրթութեան պատկանիլը:

Հնագէտը իր գտած հնութիւնները ուսումնասիրելէ ետք՝ զանոնք կը զետեղէ պետական թանգարանի մէջ:

ԳԻՏԱԿԱՆ

Ի՞ՆՉՊԵՍ ԿԸ ՊԱՏՈՒԱՍՏԵՆ ԱՊԱԿԻՆ



Ապակին կը գործածուի շինելու համար տեսակաւոր իրեր, ինչպէս՝ ամաններ, գաւաթներ, հայելիներ, ծաղկամաններ եւ այլն:

Տարածուած կարծիքի մը համաձայն, ապակին գտած են փիւնիկեցիները:

Ապակին կը պատրաստուի ճերմակ աւազի, կալաքարի (սոտիոմ), կիրի եւ ապակիի փշրանքներով: Այս բոլոր նիւթերը իրարու խառնելէ ետք, վարպետներ զանոնք կը դնեն յատուկ փուռի մը մէջ, կը հալեցնեն, մինչեւ որ անոնք վերածուին թափանցիկ հեղուկի:

Ապա, հեղուկը կը լեցնեն կաղապարներու մէջ, կը պողեցնեն եւ այսպէսով կը ստանանք ապակին:

Ապակին կարելի է կտրել տարբեր չափերով եւ կամ տաք վիճակի լեցնել կաղապարներու մէջ, ստանալու համար զանազան ձեւեր եւ տեսակներ:

Սրանք ինքն է տանը մէջ:



ՀԱՆՏԼՈՒԿ

Ո՞վ է, ի՞նչ է:
Տունը փոքրիկ, մուտքը մեծ,
Միայն ինքն է տանը մէջ:



(Պատասխանը՝ յաջորդիւ:
Նախորդ, թիւ 278ի հանելուկին
պատասխանն էր՝ անուկը)





Էլի Հուլիշեան

ԿԵ ՆՈՒԻՐԵՆ

«Մարզիկ»ին հետեւեալ նուիրատուութիւնները կատարւած են Գանատայէն:

- Եղբ. Կարօ Թիւթիւնճեանի մահուան առիթով
- Եղբ. Հրաչ Տէր Սարգիսեան 50 գանատական տոլար
- Եղբ. Սեդրակ Պուրսայեան 50 գանատական տոլար
- Եղբ. Լեւոն Նաճարեան 50 գանատական տոլար
- Եղբ. Բաբգէն Կարապետեան 50 գանատական տոլար
- Եղբ. Արմէն Կէտիկեան 50 գանատական տոլար
- Եղբ. Վահան Զալբքեան 50 գանատական տոլար
- Եղբ. Տիրան Շահինեան 50 գանատական տոլար
- Եղբ. Գրիգոր Ապրաքեան 50 գանատական տոլար
- Եղբ. Բիւզանդ Լախոյեան 30 գանատական տոլար
- Եղբ. Յարութիւն Պէրպէրեան 20 գանատական տոլար
- Եղբ. Յարութիւն Գեղարդի մահուան առիթով
- Եղբ. Վարուժան Սերոբեան \$50

Հ.Մ.Ը.Մ.-ՖԲԱՆՍԻ...

Շարունակուած՝ 34րդ էջէն

Եղբ. Վարանդ Պաղտասարեան անդրադարձաւ նաեւ վարչութեան տարած աշխատանքին՝ մեծ զոհողութիւններու գնով, ու խնդրեց ծնողներէն իրենց աջակցութիւնը եւս, որպէսզի նոյն ոգիով եւ միասնաբար յառաջ տարուի գործը:

Ձեռնարկին պաշտօնական բաժինէն ետք, Հ.Մ.Ը.Մ.-Ֆրանսի սկաուտներուն կիրակնօրեայ գործունէութեան վայրին մէջ, ծնողները հաճելի մթնոլորտի մէջ, հիւրասիրութեան մը առընթեր, ունեցան մտերմիկ զրոյց ու գոհ սրտով վերադարձան իրենց տուները:

«ՄԱՐԶԻԿ»Ի «ՔԱԶԱԼԵՐ ԱՆԴԱՄ»ՆԵՐ

Հ.Մ.Ը.Մ.ի Կերթնական Վարչութեան որոշումով, երկու տարիէ ի վեր հաստատուած է «Մարզիկ»ի «Քաջալեր անդամ»ներու դրութիւնը: Թերթին «Քաջալեր անդամ» կը նկատուին բոլոր անոնք, որոնք տարեկան 200 եւ ատէլի ամերիկեան տոլար կը նուիրեն անոր բարգաւաճման ծրագիրներուն:

«Քաջալեր անդամ»ներու անունները կը հրատարակուին թերթին յաջորդական 12 թիւերուն մէջ:

«Մարզիկ»ի «Քաջալեր անդամներ են-

ԱՐԵՒԵԼԵԱՆ ՄԻԱՅԵԱԼ ՆԱՀԱՆԳՆԵՐԷՆ Վահրամ Դանիէլեան, Լեւոն եւ Թագուհի Փալեաններ, Պետօ եւ Սիրան Տէր Պետրոսեաններ, Զարեհ Գարակիւլեան, Յակոբ Թոքաթեան, Վապգէն Լախոյեան եւ Կարալիս Պարսումեան:

ԳԱՆՍԱՍՅԷՆ Կարապետ Ն. Թովմեան:

ՅՈՐԴԱՆԱՆԷՆ Ճորճ Տաքէսեան:

ՀՈՐԻՁՈՆԱԿԱՆ

- Վազգէն Շուշանեանի երկերէն (երկու բառ):
- Ասիական երկիր - Մենք՝ ըստ օտարներու - Պտղատեսակ:
- Պատի վրայ նկարչութիւն - Հարիւրամեակ - Կոնաբեր ծառ:
- Լատին աւագերէց:
- Անձնական դերանուն - Հին պատերազմական նաւ:
-
- Ռէչալ Մատրիտի պրագիլցի ռմբարկուին անուներ:
- Հայ գուսան - Առ, կառչիր:
- Ժամանակի միաւոր - Զայնակից գիրեր:
- Մեղմ հոզ - Թուխակի մեծ տեսակ:
- Եւրոպական մայրաքաղաք - Կռճիկ - Լեցուն:
- Մանգաղի կոթ - Սպիտակ փայտով բարձր ծառ:
- Սմսեղուկ - Որոշուած գին - Տառի մը անունը:
- Յովհաննէս Շիրազի երկերէն - Թաքուն պայթուցիկ:
- Բուն, հարազատ - Բռնատեղ:
- Սակաւ - Ալեքս Ֆերկըրընի տրուած պատուանուն:
- Այբուբենէն - Թեմիսլաֆէն՝ Ռաֆայէլ - Նմանաձայն գիրեր:
- Սիրունիկ - Տառի մը անունը - Մեղեի:
- Երնէ՛կ - Գոյականի տեսակը բնորոշող:
- Փոխինդ - Լաւ, պատուական - Այրող:

ՈՒՂՂԱՀԱՅԵԱՑ

- Իտալիոյ ֆուլպոլի ազգային խումբին նախկին մարզիչը - Ապականութիւն:
- Փոստիլիւն - Տեղական մակբայ - Հայ ազատագրական պայքարի ռահվիրան:
- Բազմութիւն - Վաճառանիւթ - Զրային փոխադրամիջոց:
- Սպասէ՛ - Որ - Գոյութիւն ունին - Ծանրութեան միաւոր:
- Նշխարը ետեւէն ծակծկելու փայտէ գործիք - Ֆրանսացի թեմիսլաֆէն:
- Ողբ - Ռուսական նախկին անջրպետակայան - Պարտիզանի գործիք:
- Տաղաւար - Նշանաւոր համբերատարը - Արաբական երկիր - Լանջ:
- Բերդ - Գիրի մը դրացիները - Կանացի պատուանուն - Այբուբենէն:
- Տառի մը անունը - Պտղատու ծառատեսակ - Սարսափ - Անծեղ, շաղակրատ թռչուն:
- Վիպակ - Այբուբենէն - Հայաստանի գետերէն - Ներքեւ:
- Գեղատեսիլ տերեւներով բոյս - Հարեւան - Կենդանիի դիակ:
- Հոռմը այրել տուող կայսրը - Յունաստանի ֆուլպոլի ազգային խումբին գերմանացի մարզիչը - Արական օտար անուն:
- Լծորդութիւն - Յուցական ածական - Կութ - Օդանման գոյացութիւն:
- Վէճ - «Նահապետ» գրչանունին տէրը - Արական օտար անուն:
- Զիւթ - Արական օտար անուն - Սեւեռուն, անքթիթ:

1 2 3 4 5 6 7 8 9 10 11 12 13 14 15



ԹԻԻ 154 ԽԱՉԲԱՌԻՆ ԼՈՒԾՈՒՄԸ



*Յարնւ՛ք և յարնւ՛ք անասանս
Յարնւ՛ք և անդերկերի
Գ-Էպիս Եւրոպական, Եւրոպական:*

